



松江集
二

續集
詩記文疏啓祭
文

書

共
二

~16
2349
2



門和
號 2349
卷 7-2

寄呈玉谷老仙

贈別門生

驪江醉吟

題沈公亭壁

題山僧詩軸

關東夜酌 二首

思菴計至 二首

挽趙主簿 堪 二首

贈栗谷 二首

餞席贈任士邵 廷老 二首



悅雲亭

統軍亭

重陽前日偶吟

題雙溪雪雲詩軸

贈李萬戶

示李敬賓

秋思

次玄成韻 三首

偶吟

村居雜興

題平湖堂 二首

贈崔甥 浚

金孺晦家對盆菊

余多病脚寒山行衣累襲飲至醉真如酒食

狀山僧又以鼻土竹籠略作輿子勸余八

之余笑而賦此

海雲亭口號 二首

對月獨酌

贈別

次栗谷韻贈山僧

雪城壁上見圭翁筆有感

奉贈君會舊契 四首

關東有贈妓

與白玉峰 光勳 遊邊山

石隅草堂留宿

尹時晦 所見訪

贈宋德求 象賢

與柳西垌根同朝天之行 二首

附西垌原韻

山寺夜吟

贈朱教官

贈洪君敘 錫

絕句 九首

對花漫吟

示栗谷

夢中作

失題 二首

七言絕句

待李景魯 希參 不至

奉贈俛仰相公和教之韻 二首

次贈李潑

失題

戲贈林子順

高興倅林士久欲於本縣相別詩以讓之

又贈士久

與霞堂丈步屨芳草洲還于霞堂小酌三首

寒泉精舍有吟

贈道文師

大岫酒席呼韻

玉果詠歸亭題詠

楓溪寄梧陰

酒席口號

靈隱寺

次霞翁韻

乘戰船下防踏浦

運籌軒醉題

松浦舟中逢金剛叔成遠林士久吉秀

聽潮樓月下作

錦城別安申之兄

次錦城東軒韻

謁曹溪廟

次長溪韓大胤林居韻

附原韻

安參議自裕家對酒戲吟

附東岡彥經次韻

隣人送菊

送人八頭流山

雪後登嶽

嶺東雜詠

望漢樓

湖亭憶思菴

寄示牛溪

舟中口號

次贈竹房僧

送崔彥明屏觀察海西之行

閑居卽事

放舟

盧議政思慎嘗種前朝牧丹賞玩後孫又以

此求詩於當代諸公

別風樹亭

口號

送人歸龍城

次復菴韻

病中偶吟

江榭遣閔

馬上逢朴叅判口號以贈

贈成進士 輅三首

詠紫薇花

隣友昨夜遊賞白嶽雪景醉而未赴

禁府蓮亭獨坐

訪梧陰閒居不遇

謝延豐倅送酒

歸來

夜行

金太諫重晦 繼輝 救三尹有吟

題學祥詩卷

失題

鷗浦寓舍贈崔生

月夜作

贈韓察訪性之

挽金重晦

新年祝 五首

湖老南松老西去留之際烏得無情卽援筆

長吟

次李孝移 廷冕韻呈西河峰叟

登舍北高亭口占

醫閭山次人韻

謝朴吉栢送酒

初月

吟秋

戲贈俞相

昭陽江送月嶽仙契

贈許讚

次思齋堂安 處頓韻二首

次金剛叔韻

挽韓師傅胤明

高陽山齋有吟寄李景魯 十首

贈墨佳人

題碧澗堂

自高陽向洛陽路中 四首

霞堂四欠 二首

附龜峰分題

弓王故都見杜鵑花

襄陽妓有紅粧者戲賦一絕

真珠人

昭陽江水西歸入漢

贈丁滄浪巖壽

題李丹丘 崇慶詩軸

送梁鼓巖之任娥林縣

蕭灑園題草亭

村居漫興 三首

戲贈大笑軒趙 宗道

詠懷

登花石亭

過麟山驛有吟

贈別南東岡赴完山尹 二首

五言律詩

次壽翁韻 三首

又次壽翁韻 二首

次息影亭韻

次洪太古迪寄韻

寄智堂上人 二首

挽柳溪甫 澗

次瀟灑園韻 二首

贈梧陰

自江南還石堡

次東關韻奉贈四止翁 源仁 西遊

挽具修撰 州

追次洪太古韻奉贈一壑金學士 信元

送副使金公 瓚 先下湖南視師

客夜惜別

奉從事二妙

失題 二首

宣川次壁上韻

愛蓮堂

失題

七言律詩

次廣寒樓韻

病後戲吟

次慶喜樓韻寄白麓

朴景進家獨坐

西湖病中憶栗谷

新院山居寄示習齋

宿桂林兄江亭

述懷

喚仙亭次韻

次梧陰示韻 二首

題靜虛軸次霽峰韻

挽玉峰白彰卿

別王天使敬民

槐山挹翠樓次韻示主人 三首

昌道驛壁上見鄭子中詩攬涕之餘遂步其韻

題雅叔林亭

挽栗谷 三首

次竹西樓韻 二首

次峒隱韻

失音 二首

納清亭卽事奉呈丁僉使行案

納清亭次韻

醉輒失睡乃僕常症而去夜尤甚坐以達朝

倚人怪而問之詩以解之

任學士堂後二難訪余于宣城之客舍用前

韻謝之

次韻贈李實之員外二首

又用前韻

再用前韻奉呈坳叟峰翁兼示孝移仲溪實

之三君子求和二首

孝移琢句甚精工非俗下料曰僕效嘖狀其

詩之內不出焉

寓聚勝亭書示成仲溪

夜懷二首

挽盧玉溪子膺

練光亭對月二首

失題二首

朝天途中三首

七言排律

失題十韻

五言古詩

李生廷冕工詩嗜酒薄於世味病酒而躄因

自號為鼈戲題古詩三十韻投贈求和

有僧將入楓岳漫書以贈

代人戲別梧陰

閒居口占

江界謫中次梁青溪大樸韻

和藥圃詩題興雲卷

贈別韓察訪性之

七言古詩

次王川子送孤竹之韻

松江續集卷之一目錄



松江續集卷之一

詩

五言絕句

詠鶴贈宋仁叟 英考

水月諧心性風霜賴羽毛須棲煙島裏莫坐露松梢

客夜惜別 二首

不是耽杯酒應緣愴別情明朝送君後風雨滿孤城

孤燈落寒燼缺月送清光把酒復怊悵論情誰短長

統軍亭口占 癸巳

片雨明斜日孤雲照海天臨江一長嘯起盡九龍眠



席上口號 三首

暮雲生睥睨江雨起蒼茫萬事干戈裏龍灣酒一觴
舊國今恢復吾行正杳茫何時九天上吸盡紫霞觴
渚鷺雙雙白江雲片片青世間無別恨吾亦一杯停

途中

行役豈非苦別離良亦難同心幸同伴聊以解愁顏

奉贈君會舊契 尹景禧 三首

兒說雙溪洞孤雲隱不還菜屠名偶似吾欲老茲山
為問延城宰何時得再逢雙溪五夏酒回首政春風
遠人長抱病仙子杳難期遙夜石房靜幽懷清磬知

謝使相公見訪 三首

望月月方吐待人人獨立疎簾不用鉤夜久秋寒入
柴門幸有客天上謫來仙市遠無兼味教兒煮玉涎
相思一寸心付與東流去仙馭不須徐愁人正疑行

醉呈使節案下 此詩有親筆半草粧留大帖

為訪棠陰伯炎程任驛塵溪山迎晚賞俱是意中人

贈林子慎 梯號白湖

客睡何曾着樓前有急灘思君一片夢應自海南還

寄成仲湫 文濬

漠漠胡天雪蕭蕭楚客魂殘年大狼狽悔不用君言

挽崔嘉運

慶昌。以下隨得隨書無序次

匹馬八雲中東風何處嘶將軍臥細柳不復上雲梯

滌襟軒雜詠

四首

清溪晚雨

東風吹雨來濯此人間熱如從道士歸臥聽清溪咽

露梁煙樹

漁舟下浦沙暝色生江樹待月欲鉤簾清光恐隔霧

銅雀風帆

今朝入海帆巨竹俱長纜東去杳無蹤滿船江月影

瓦村返照

不耐送人時還宜覓酒處孤舟渡口橫我欲江南去

棲霞堂雜詠

金成遠號 四首

月戶

野鶴招常至山精喚不應停杯一問月豈獨古人曾

蓮池

山中畏逢雨淨友也能喧漏泄仙家景清香滿洞門

假山

巧削神應助深藏海幾重侯門歌吹地爭似此山翁

石井

天雲何處看活水方澄井終日自無風一塵寧到鏡

息影亭雜詠次韻 十首

瑞石閒雲

初從底處生夏向何方斂去來本無心可怡不可厭

碧梧涼月

人懷五色羽月掛一枝梧白髮滿秋鏡衰容非壯夫

蒼松晴雪

白玉峰巒矗蒼龍鬚鬣傾月中光不定風外響堪驚

釣臺雙松

日哦二松下潭底見游鱗終夕不登釣忌機惟主人

鶴洞暮煙

長天看獨鶴露頂夏藏腰終日有煙氣無心歸舊巢

鷓鴣巖

偶因水中巖目以鷓鴣處其意不須魚烟波自來去

紫薇灘

花能住百日所以水邊栽春後有如此東君無乃猜

桃花逕

麗景三春暮天桃一色齊古來花下路迢遞使人迷

芳草洲

古峽淡如海芳洲草似綿初宜雨後屐夏合醉來眠

芙蓉塘

龍若闕茲水如今應噬臍芙蓉爛紅白車馬簇前溪
遙寄霞堂主人

霞老平生友難忘夢寐間吾方走塵世君獨臥雲山
贈金君瑛

皓首吾兄弟秋風此別離臨歧一杯酒風雨助吟思
止酒謝客

老杜新停日親朋載酒時懼情隨處減壯志逐年衰
寄呈王谷老仙

懷哉王谷老已矣松江人滯酒天南夕迢迢愁白蘋
贈別門生

好在諸君子詩書貴及時芳年不長住墜緒杳難期

驪江醉吟

落日那能住重陰不可開驪江西達漢醉後一登臺

題沈公亭壁

不見休文丈空聞集勝亭中秋端正月携酒扣巖扃

題山僧詩軸

白髮秋逾長丹心死未休方從赤松子辟穀謝封畱

關東夜酌二首

夜酌移西檻春心繞北辰明朝嶺東路嵐翠濕衣巾
上夜開淡酌論懷對獨燈江南一千里消息杳難承

思菴詩至 已丑七月 二首

我似失羣鴻依依何處托參商蘆葦間影與寒雲落
伯淳無福故天下也無福命矣奈如何西風一痛哭

挽趙主簿堪 字克已號玉川子 二首

白老溪翁故因之托契淡晚來情更厚吾過子能箴
聞說千年宅山重水復奇猶勝葬羸博况與栗翁隨

贈栗谷 時與栗谷爭東西黨議未契有是作 二首

欲言言是垢思默默為塵語默皆塵垢臨書愧故人
君言有斟酌我意沒商量爛漫同歸日方知此味長

餞席贈任士邵廷老 二首

餞席臨長道征人倒急觴猶嫌意未已更赴子真庄
久病寧為客衰年重別人驛亭風雪日携酒莫論巡

悅雲亭 亭在伊川時柳公祖詞為縣宰

人皆登此亭悅雲不悅酒好惡萬不同悅酒吾與主

統軍亭

遲矣吾行也終南在眼前將瞻華嶽月醉後更移船

重陽前日偶吟

為問槽頭信何如三峽泉重陽只隔日涼冷對秋天

題雙溪雪雲詩軸

未到雙溪寺先逢七寶僧手從我否春入白雲層

贈李萬戶 義男辛巳

鳴弓睨南海南海靜無塵萬里長城望從知屬此人

示李敬賓

小屋圍金橘名菜煮王川生涯此亦足君是峽中仙

秋思

秋風中夜起客夢未能圓遙想蟾宮女淒涼亦不眠

次玄成韻 三首

病後驚新節天涯對故人隣家白酒熟牆角瑞香新
雨送浮雲黑風開谷日陰柴門幸無事樽酒細論心
城市萍蹤倦江湖草屋成功名大槐國高枕笑浮生

偶吟

流水峽中出迢迢何所之爾能達江漢吾欲寄幽思

村居雜興

舊計梅千樹新盟竹數竿若非耕釣路常欲掩柴關

題平湖堂 二首

滿窓紅躑躅臨水碧玲瓏萬事殘生裏孤舟落照中
渺渺江聲遠蒼蒼暝色生中宵有明月不寐倚虛櫺

贈崔甥 浚

酷似牢之舅人言我曰無吾狂爾若學州里可行乎

金孺晦家對盆菊

木之集 卷一
孺晦籬邊菊，翁蓋底香。那知竹窓雪，別有一重陽。
余多病，恟寒山行衣，累襲飲至醉，真如酒瓮狀。
山僧又以昇土竹籠，略作輿子，勸余入之。余笑
而賦此。

酒瓮重重裹，感之小竹籠。人間有畢卓，深入白雲中。

海雲亭口號 二首

吾方捲簾待月，欲到天明。樽蟻須添，絳江雲莫謾生。
神仙不可遇，岸上青楓樹。瀛海路茫茫，碧雲何處住。
對月獨酌

夕月杯中倒，春風面上浮。乾坤一孤劍，長嘯更登樓。

贈別

惜別重携手，論懷更命樽。一生頻聚散，萬事任乾坤。

次栗谷韻贈山僧

流水幾時返，故人何日來。風塵六載淚，白首眼難開。

雪城壁上見圭翁筆，有感。宋公麟壽號圭菴

壁上圭翁筆，無從涕自揮。親朋滿天地，如子古猶稀。

奉贈君會舊契 四首

凌溪距蘆洞，一棹復通津。欲以延民口，明年更借恂。
人言蘆洞好，吾欲卜終焉。多事漢陽令，山醅內法傳。
我有多年脹，醫云二木良。故人如惠我，一服復身康。

七寶於楓岳山賦作真伯仲間吾將高處住不許俗人攀

關東有贈妓

十五年前約監司察訪間吾言雖或中俱是鬢毛斑

與白玉峰光勳遊邊山

水淺窺龍窟松疎露鶴巢欲知仙在處須入白雲高

石隅草堂留宿

曙色依微至星躔次第橫酒闌人欲去茅屋小燈明

尹時晦所見訪

二燭從公至三更伴夜明寸心言不盡惟畏絳樽傾

贈宋德求象賢

在官常告病臨別必徵杯不有壺山宋幽懷何處開

與柳西垌根同朝天之行二首

關樹早蟬集江天秋雨飛思君數行淚寄與判書歸

江草青相合江雲濕不飛沙風缺岸上落日放船歸

附西垌詩

斷雨山雲合輕風海鷺飛浮生元是客西去又東歸

歸

山寺夜吟

蕭蕭落木聲錯認為疎雨呼僧出門看月掛溪南樹

贈朱教官

庚辰江原監司時巡到蔚珍

海曲此人老明時吾輩登狂歌驚末俗大醉撫南朋

贈洪君敘

錫

燕客東菴裏飡霞今幾年白頭仍復病青壁老難緣

絕句九首

雨意猶含暝杯心只願傾莫言明日別吾欲暫時醒
先逢五色羽且至雪城人行裏携何物烏程若下春
末路收高躅松林掩小軒臨歧一杯酒萬事欲無言
曾看壁上筆共倚水邊亭栗老聞相識存此一涕零
鵲矣無風韻何如着此翁玄成聞妙手於此畫難工

臨歧別數子握手更何言典學誠身外休令此志昏
祇恐回頭錯非關着脚難丁寧伯子訓想象邵翁閒
操弓出塞日看劔引杯時萬事今寥落殘生寄一枝
舊日關東伴今宵洛下觴別離頻換歲鬚鬢各蒼蒼
對花漫吟

花殘紅芍藥人老鄭敦寧對花兼對酒宜醉不宜醒
示栗谷

君子辭黃閣小人秉東銓賢邪進退際副學心恬然

夢中作

壬辰五月謫在江界時夜夢作此翌日

行在迎駕於平壤

昭代收遺直天墀曉鐸鳴

失題

何當化為石屹立暮江頭出象村集

萬事何關客惟知酒有無出芝峰類說廉潔卷挽李友直性廉不事晉為惟日

歎無何客有言及世事輒以何關答之

七言絕句

待李景魯希參不至

登山望望遠來人愁外湖天草色新日暮東橋橫萬

頃誰憑驛使寄音塵

奉贈俛仰相公和教之韻宋純號 二首

待漏西門韻水蒼麒麟香動啓明堂天顏有喜身先

識黼座前頭王燭長

別盡巖苔萬丈蒼暮年棲息有茅堂仙亭見說牛鳴

外秋月春風興夏長

次贈李發

綠楊官北馬蹄驕客枕無人伴寂寥數箇長髯君拉

去老夫風采俊蕭條

失題

楚山千疊久逃虛五色時看繞帝居聞說大庭喧蹈

舞白頭霑灑老臣裾

戲贈林子慎

百年長劍倚孤城酒倒南溟鱗斫鯨身世獨憐如倦
翼謀生不過一枝營

高興倅林士久吉秀欲於本縣相別詩以讓之

湖外難逢會遠朋白頭輕別怨高興津亭南望蓬瀛
近日暮扁舟擬共登

又贈士久

酒入愁腸已破城百年田地眼前平明朝掛席南川
漲天外煙波霽色明

與霞堂丈步履芳草洲還于霞堂小酌三首

石溜泠泠入小池落花無數泛淪漪山翁老去機心
少細草蒼苔睡鴨依

江湖流落敢忘君身似離鴻獨去羣猶有山中數
杯酒落花時節惜相分

勝日山中復一杯小窓西畔碧桃開流年冉冉人將
老歸思臨高未易裁

寒泉精舍有吟歲在丙子初夏與霞堂丈人聯
榻此寺講論近思錄記其事

古寺煙霏山水蒼平臺散策袖生涼窓前向日葵心
苦天外投林鳥翼長

贈道文師

小築新營竹綠亭松江水潔濯吾纓世間車馬都揮
絕山月江風與爾評

大帖酒席呼韻

天恩遙與野梅新照徹茅茨二月春垂死病人能拜
命親朋壺榼自鄉隣

王果詠歸亭題詠

平臨烏背乾坤迥高揭雲間日月明十二曲欄吹玉
簫三山未卜此三清

楓溪寄梧陰

雨後楓溪濕水涼坐來環珮響鏘鏘須臾客去空山

靜淡夜星辰自動光

酒席口號

今夜江南露洗天碧虛千里月輪懸移樽更向門前
設去去雷雷摠黯然

靈隱寺

十里逃虛已喜覺知心况復故人逢溪頭煮酒收松
子醉入山樓已動鐘

次霞翁韻

草屋前頭月一輪寒梅心事寄殘春當杯未覺經年
病醉後題詩掃壁塵

乘戰船下防踏浦

韓門南畔下琵琶海色天光暮夏多老去佳辰長作
客踏青明日又誰家

運籌軒醉題

煙花三月下江沱人道浮來博望槎今日韓門看鈞
飲白頭隨處沐恩波

松浦舟中逢金剛叔成遠林士久吉秀

壬戌年間如一夢三人鬚鬢各棲霜他鄉幸遇同心
友碧海春風去路長

聽潮樓月下作

趙重峯丙戌疏曰鄭某按湖南
冰壺自潔赤心奉公其許國一

念炳炳於聽潮
樓之詩云云

壯士襟期一劍知聽潮樓上月明時不報君恩不
返國寧為精衛繞南陲

錦城別安申之

離人亭畔草青青千里歸鞍拂曉星孤客病淹漳浦
日宦情羈思不須醒

次錦城東軒韻

歸思滔滔萬折東蒼溪峽裏竹林中空階一夜梧桐
雨携鏡明朝減舊容

謁曹溪廟

沙翁去世幾回春一徑窮山草木縉門下少年今白首此生元是夢中人

次長溪韓大胤林居韻字彥胃號碧溪

長溪屈曲走如蛇竹裏茅簷是子家他日蹇驢乘興往釣竿吾欲坐晴沙

附原韻

松江才調抱龍蛇變態無窮作一家今日訪公偷少暇開樽邀我坐溪沙

安叅議自裕家對酒戲吟時南東岡彥經同往賦詩安字季弘

君家有酒酸且醎酸味還同鄭季涵於園於家俱不

用不如歸去臥江南

附東岡詩

人間師表安叅議天下風流鄭季涵惟有飄飄遺世者不知名字姓云南

鄰人送菊

鄰翁寄我黃金花置在曲欄明月下花不分明香滿堂世間誰是知音者世間或作歲寒

送人八頭流山

頭流山在白雲表獨往神傷吾未從手弄天王峰上月清光須寄喚仙東

雪後登嶽

掃雪獨登蒼玉屏眼前銀海或作界極茫茫猶嫌遐眺
礙三角更上一峰天地長

嶺東雜詠

百川纔及古城門萬瀑難窮始發源此去毗盧頂上
路幾重山隔幾重雲

望漢樓

望漢樓上漢江遠漢客思歸歸幾時邊心寄與柳亭
水西入海門無盡期

湖亭憶朴思菴

江上高臺春草淡仙遊往跡杳難尋若非跨鶴清都
去正是騎星故國臨

寄示牛溪

苦調難諧衆梵音病夫於世已無心遙知湖外松林
下歲暮寒醪滿意斟

舟中口號

萬事如今各白頭夕陽西下水分流蓬山何處美人
在江月欲生江樹愁

次贈竹房僧

削立巉巖萬仞岡歸雲一片在斜陽居僧獨掩竹房

坐却謂雲忙身不忙

送崔彥明混觀察海西之行

黃鶴仙人海西去首陽山下芙蓉堂芙蓉五月清香
發與子政聲誰短長

閒居卽事

聞道蓬萊化日昇頑雲捲盡瑞雲凝山中近日不關
戶恐有求詩斫雪僧

放舟

睡起江村曉放舟峽流風定正安流吾行日日應千
里可到三山又十洲

盧議政

思慎

嘗種前朝牧丹賞玩後孫又以此

未詩於當代諸公

種得前朝舊牧丹携壺日日對青山豈知歌舞華堂
上春燕營巢亦未閒

別風樹亭

好在西湖風樹亭如今鬢髮已星星重來早晚吾何
卜將入淡山獨掩扃

口號

蓬山相望碧雲層再造鸚鵡班病未能秣是孤臣死不
死百年方寸一條冰

送人歸龍城

仙遊回首帶方城年鬢蕭條換十星為問廣寒樓下
竹如今不改舊時青

次復菴韻

朴公漸號

松聲欲靜漏聲殘酒與方濃宦興闌好是一年三月
暮萬條花發照長安

病中偶吟

壽逾知命位三公雖死猶勝八十翁唯有人間未盡
酒數年加我願天同

江榭遣悶

歸心恰似廣津波西下終南咽夏多直北山前回白
首一杯愁絕夕陽斜

馬上逢朴叅判口號以贈

馬上逢君一攜手街童指點也無嫌只恨秋山煙雨
裏萬家無處覓青帘

贈成進士

名輅字重三首

重任天資十分好如何耽酒老夫如男兒三十猶非
少切已工夫慎莫徐

人生四十四年內痛飲形骸土木如嗜欲前頭趨夏
疾矜持裏面步何徐

心經附註規模密學者觀之藥石如鷄犬牛羊勤譬
諭勗哉吾黨敢虛徐

詠紫薇花

一園春色紫薇花纔看佳人勝玉釵莫向長安樓上
望滿街爭是戀芳華

隣友昨夜遊賞白嶽雪景醉而未赴

三更雪月山頭遂百萬長安盡起眠唯是此翁聞不
得醉魂方在伏羲天

禁府蓮亭獨坐

傍人莫道此身忙欲把名場換酒場時向曲欄成獨

坐玉池荷氣滿襟香

訪梧陰閒居不遇

幽居寂寞近城市雨後終南翠色多滿地梧陰人不
見夕陽搖棹下楊花

謝延豐倅送酒

延豐美酒勝新豐色到銀杯洞若空雪後遠朋來問
疾亂山歸路錯西東

歸來

歸來不必世相違偶似陶公悟昨非采采黃花聊取
醉倒巾高詠鴈南歸

夜行

巖月初生度夜溪
分明沙石各東西
清輝不到陰崖裏
八谷還愁去路迷

金大諫重晦救三尹有吟

早秋風力暖
同春寒者宜之
熱者嘖畱待
五更霜後鴈一聲
高起上層旻

題學祥詩卷

香爐峰寺別經年
東上毗盧玉倚天
無限滄溟萬里眼
永郎消息海中傳

失題

二十年前石門路
重來不獨山川改
高歌一曲對君笑
何處人間酒如海

鷗浦寓舍贈崔生

潮水初生錦葉飛
玉人京國送將歸
緘書欲問書雲信
今夜妖星退紫微

月夜作

秋風乍起愁枯竹
巖月初生是美人
不覺依稀成再拜
孤臣此夜白髮新

贈韓察訪性之

祥雲察訪性之歸
鄭季涵何不飲酒
為問工曹叅判

公翰林風月今何有

挽金重晦

繼輝字號黃岡官大憲

可笑人生一紙書計音借至意何如中夜縣司為位
哭楚山風雨亦蕭疎

新年祝 五首

新年祝新年祝所祝新年少酒杯讀盡心經近思錄
許君親見聖賢來

新年祝新年祝所祝新年有子賢不向人間爭寵利
還從物外臥林泉

新年祝新年祝所祝新年風俗醇家有愛君憂國士

世無非古是今人

新年祝新年祝所祝新年諸疾除閱盡人間百八十
終為仙鶴上蒼虛

新年祝新年祝所祝新年芳景遲八耳無非好消息
滿前皆是美男兒

湖老南松老西去去留之際烏得無情節節援筆

長吟

南天片月龍城古西塞孤雲鷓鴣遙達水似請征客
恨東流直上漢陽橋

次李孝移 廷冕 韻呈西坳峰叟

峰叟即一峰李民覺公赴京時

西峒為副使
一峰為書狀

荒村下馬步斜陽水木清陰近夕涼莫道去年隨
王輦火雲千里塞天長

登舍北高亭口占

高亭獨上望新晴不盡長江無限情若為化作橫天
鶴飛到秦京叫一聲

醫閭山次人韻

來如相待去如迎勢欲南奔又北征但見幽營青未
了今人那得古人情

謝朴吉怡送酒

玉綬仙釀醴或作遠提携風雨人從碧水西正為此翁
行草草夏煩楊浦訪寒樓

初月

初月依依下塞雲邊城一閉正黃昏干戈敢說新停
酒衰疾那堪夏別君

吟秋

愛看秋色轉清酣盡日西風冷着衫吟罷百年無限
意暮雲舍雨過江南

戲贈俞相俞相泓嘗與公閒話俞曰某有可笑
事某之一婢生得一女甚有姿色家
居于外時時來謁某謂夫人曰不可無侍護之人令某
之收衾枕何如夫人曰不可無侍護之人令某

婢使使令甚好異日岳丈過見夫人言其故岳丈曰汝何誤也我已桑中之戲也不佞色沮不敢言無何少胥得之目渺渺而不能已也公入鑽其門不佞每過之目渺渺而不能已也公遂於座上曰

佳期誤向夫人謀唯諾雖勤竟謬悠却使青娥來夢寐望中明滅夕陽樓

昭陽江送月嶽仙契

崖寺跣趺六月中伯陽仙契呂家風西下孤舟留不得念念未暇問參同

贈許讚書中有稱道語

高人不長蒿萊臨水柴扉日午開客舍門外三十

載不知隣有詠歸臺

次思齋堂安處頓韻二首

天末蒼蒼方丈山謫仙人與白雲還傳家更有永思子竹裏琴書身獨閒

江上茅茨倚碧山忌機鷗鳥恣飛還柴扉終日無人到君與白雲誰是閒

次金剛叔成遠韻

南華山畔歡娛日屈指如今二十霜此會莫言鬚鬢改引杯看劍意猶長

挽韓師胤明

松溪雜錄卷一
潭老秋翁去不回此生悲抱向誰開泉臺一閉無由
見西望高陽淚滿腮

高陽山齋有吟寄景魯

李希參號魯翁又
字好古十首

晝伴寒蟬夜伴蛩莫言淡谷少人蹤自從中歲交遊
廢既學無情又學慵

余之痛飲甚於哭不必黃龍是酒場待得妖氛霽城
闕五雲深處奉君王

人非康節豈行窩醉後高眠卽我家明日禹灣乘釣
艇功名回首等炊沙

絡石盈庭老鳳仙土階茅屋任蕭然時時載酒驪江

去江水悠悠月滿船

去時風雪來時雨古驛荒村草屋寒此路年年長作
客始安東畔有溪山

小兒輕別不沾巾老子多情更戀人江上一杯回白
首客愁如草望中新

去國遲迴笑此行此行終是戀春城江南處處非無
竹恐得三閭澤畔名

百觴猶未破愁城飲到參橫又日橫浮世別離非怪
事暮年歧路重含情

峽裏風濤半夜雷旅遊秋枕夢頻回衰年每失佳人

約只待天明不待來

閒居無事理壺觴始覺人間日月長萬事欲拋塵土裏世人莫笑此人狂

贈墨佳人

聞汝能辭三十斗心如冰玉敢磷緇唯須滴露噓雲處寫出春風無限思

題碧澗堂

沙村翁小草廬在雙溪之上端石碧澗堂翁去後其子孫追慕請詩惻然悲吟書與師古師古其孫也

碧澗泠泠瀉玉聲五夏秋枕酒初醒沙翁去後增嗚咽風樹興懷不忍聽

自高陽向漢陽路中 四首

塞外曾為射鵬將草間今作祝鷄翁君年未老吾方壯他日黃龍酒一中

北嶽望郎天下士湖南體相一生愁孤館小燈仍曉坐數杯清涕萬行流

一聲長嘯倚東臯萬事如今八二毛偶抱一痴人謂馬適成三逕或云陶

萬事悠悠付絳樽此行無補 聖明君春明門外千行淚為雨蕭蕭響夜分

霞堂四欠

與龜峰分韻而作

白日嫣然松竹叢元來物色不相同前灘正對輪蹄
路合作行人照眼紅 右請移植紫薇花外灘上
不向春天競桃李却將紅艷寄霜風豈知侑有松千
樹一色蒼蒼四序中 右請拔去松間楓樹新栽

附龜峰詩

題品如何失重輕牧丹紅紫近中庭蒼髯古柏疎
籬外半夜風來有怨聲 右籬外不合黜遠柏樹
剖竹泠泠水有源池邊瑤草細相分無雲擬見全
天影莫遣青絲惹穀紋 右池邊不宜亂植芳蕓
弓王故都見杜鵑花 以下庚辰
關東伯時

春風三月鐵原城弓氏遺基草未生惟有冤禽雨中
血滴來多少野花明

襄陽妓有紅粧者戲賦一絕

紅粧何必鏡湖間千載安詳此地還不復扁舟勞遠
望一宵同倚玉欄干

真珠人

真珠館裏真珠人邂逅相逢是夢裏離別時多會合
稀海門咫尺猶千里

昭陽江水西歸入漢

昭陽江水西歸處長蘆一聲人倚樓直欲乘舟問三

松江續集卷一

島却疑三島隔神州

贈丁滄浪巖壽

濯纓濯足是誰子水濁水清君是君料得主人難狀處一輪明月掩荆門

題李丹丘崇慶詩 丹丘初號楓潭楓潭在利川釜淵里清江第三子

俊為丹丘後

鶴隣何處謫仙在八載重尋舊路疑門掩萬山花影裏一溪寒瀑隔林知

送梁鼓巖之任娥林縣居昌別號鼓巖名子激字仲明

天語丁寧送遠臣 聖心惟在活窮民三綱小學勤

提誨須念今朝榻下陳

瀟灑園題草亭

我生之歲立斯亭人去人存四十齡溪水泠泠碧梧下客來須醉不須醒

村居漫興此三首有親筆半草半楷雷簡帖

身如獨鴈遠離羣江漢茫茫隔暮雲歸夢猶知天北路夜溪和雨過前村

向夕前林鳥赴羣路迷天寒藹停雲山人久怪燈花喜京信無端落海村

禁庭珂珮別鵷羣一病支離臥白雲欲識故人棲息

公工讀集卷一詩 二十七

地竹籬茅屋俯江村

老驥悲鳴戀野羣此下缺

戲贈大笑軒趙宗

真狂子大笑軒客於人世聖於酒芝輪過去奉留之
九十春光正花柳

詠懷大駕駐
義州時

三千里外美人在十二樓中秋月明安得此身化為
鶴統軍亭下一悲鳴

登花石亭

此詩及山形背立本
同根絕句同為懸板

傷心花石獨登臨人物淒涼想古今絃管寂寥山鳥

噪溪林惟有搗寒砧

過麟山驛有吟

麟山驛在義州李清江濟臣以
金燧等不即行刑定配義州以

率臨終吟出師未
捷身先死之句

佳一作人莫問清江事欲說清江淚自潛中夜戀君

千里夢北歸應度萬重山

贈別南東岡赴完山尹二首

南紀雄藩豐沛鄉快心梅月屬東岡公庭盡日鳴山
鳥歌管聲中吸玉觴

身遭 盛世官躋尹器遇盤根刃發硎早晚文翁化

蜀日賜書爭覩下 天庭

公工讀集

五言律詩

次壽翁韻

柳頓善號丁亥至月閉關日蟹菴居士拜以下亂前作三首

萬里秦城客三年楚郡留美人天共遠徂歲水同流
夢斷麒麟閣吟悲蟋蟀秋防身一長劍世事八搔頭
行藏聊守拙勳業謝封畱暫得仙家法猶為靜者流
壺中玩日月象外度春秋不用牛山客閒愁白盡頭
未挽龐公去誰令孔父畱一花元並蒂萬水不同流
斬竹仍開舍燒畬且待秋於良亦足矣白王久簪頭

又次壽翁韻

別鶴招難至真仙去不畱戀君雙鬢髮歸海衆川流

蓮燭鸞坡夜銀船鳳沼秋病來慵轉甚一月不搔頭

右自述

海國人長病峰菴樹獨畱全家七十口一日東西流
無食敢求飽無衣常畏秋隨身有舊犬愁恨對垂頭

右歎兄

次息影亭韻

秋山落葉滿何處問君亭一水低殘月中天耿小星
虫音滿幽室樹影散空庭時復攬衣出手開巖畔局

次洪太古

迪寄韻號荷衣官舍人

蓬山舊儔侶千里寄書音霄漢仙蹤杳江湖酒病深

水之集卷一
鷓行隨王輦鵝隊傍山陰回首十年事茫茫傷客心

寄智堂上人 二首

愁多鬢映雪病久眼生雲舊醉迷千日新詩減十分
閉門生太拙浮海志徒勤憔悴王川子風塵長憶君
山下飛疎雨山中多白雲一重人不到千里路還分
學道正如此求詩何太勤歸掩石頭室他年吾訪君

挽柳溪甫 澱

獨許非常調渾疑異色人談諧雖應俗氣片肯同塵
縱飲仍添病傷兒竟隕身東風吹旅櫬萬里落南瀕

次瀟灑園韻 二首

林壑隱雲表生君道者心風松送靈籟月竹散清陰
爰以淺淡酒遂成長短吟山人豈無友時下兩三禽
耿介高蹤客山中獨掩扉水因青嶂合籬以紫藤圍
非是隱淪志自然車馬稀此間有真樂幽事未全微

贈梧陰

一別年應換三年路益迷客心春鴈北歸夢漢江西
黃閣多新面青山有舊棲寧同問津叟長與白鷗兮

自江南還石堡 戊子

免作江南鬼還為石底龜曉朝輸嘍息天地八期頤
夢幻看人事行藏付酒卮溪橋舊白髮髣髴二天詩

次東關韻奉贈四止翁鄭仁西游庚寅

春回山木變雪盡谷流添別苦杯心凸詩豪筆穎尖
羈愁集白首靈籟自蒼髯醉犯金吾禁君嫌我不嫌

挽具修撰時為太常正

苦行人皆識高懷世莫知一官多物議百里久棲遲
舊業尋湖甸殘生寄酒卮傷心太常篆春草洛西碑

追次洪太古韻奉贈一壑金學士信元○壬辰秋以下亂後

甚矣吾衰也頭霜眼亦花露從今夜下月向故園斜
匹馬黃牛峽孤舟碧海涯那堪喪亂際憂此別懷加

送副使金公瓚先下湖南視師時在江都

始識諸君飲聊寬此日愁亂離雙白鬢滄海一孤舟
絕塞君王遠危途歲月流隋家賀若弼歸詠錦江樓

客夜惜別

我豈輕離別人無惜去留渾疑竊屨客敢借代言牛
夜雪迷長道江冰閣小舟干戈死生際獨立萬端憂

奉從事二妙

從事諸從事長歌痛哭年君王杏沙塞宗社委
腥羶已有平戎策方開動樂船何人是元結欲乞中

興篇

失題 二道

恩波流浩蕩品彙受昌亨 玉輦當春省靈泉應世
清乾坤開泰運日月繼离明板上題詩賀榮陞古郡
名

我臥淹漳疾君收截海翰百年聊此日萬事苦無歡
壯志頻看劔清尊獨倚欄待他王子起竊效貢公彈

宣川次壁上韻

何處蓬山客乘槎海上過詩為無盡藏酒是大方家
雨後青天遠愁來白髮多那堪舍人頂獨立望京華

愛蓮堂

在平壤懸板尚在

曾為關外使飛步上池堂五月芙蓉滿三更枕席香
隔年仙夢斷重到客襟涼會把如船葉留連酌玉漿

失題

不信最奇絕及來心轉清泉為玉溜出山作石屏橫
縱被浮名縛猶能勝地行無由永今夕策馬問前程

七言律詩

次廣寒樓韻韻前作亂

天上十二白玉樓銀河清淺掛西頭年年七夕佳期
至夜夜雙星怨淚收莫道相思是遠別從來此地有
重遊可憐人世隔南北碧海茫茫何處求

病後戲吟

一病經年與死隣，忽然枯木暗回春。山中更有悲歌士，昭代重生爛醉人。湯劑轉頭輸麩粳，笑談隨手換吟呻。濡毫試撰河清頌，佳氣蒼蒼繞紫宸。

次慶喜樓韻寄白麓

辛應時字君望號白麓

仙人昨下閬風岑，裂素為衣翠作襟。烟霧樓中不見影，鳳笙天外或聞音。含情脉脉托宵夢，倚柱依依生夕陰。獨向西池采荷葉，清芬無路寄同心。

朴景進家獨坐

朴漸字景進官吏議士辰被倭害

霜落千山樹葉堆，棘籬寒菊為誰開。今年且盡客多

病，明月欲生人不來。無竹小軒頻問主，有懷秋日獨徵杯。兒童伴我西簷坐，淡夜長庚又送回。

西湖病中憶栗谷

君恩未報鬢先秋，壯志如今已謬悠。松菊每懷陶令徑，尊鱸欲問季鷹舟。交遊隔世吾何托，名利驚心可
以休。惟是槽頭看春酒，月中三峽細分流。

新院山居寄示習齋

權學號官參議

野院蕭條草樹荒，亂蛙無數叫斜陽。臨歧夏覺親朋少，感物偏傷節序忙。身厭葛衫涼換暑，面慙銅鏡髮垂霜。龍泉尚有干霄氣，匣裏時時見紫光。

宿桂林兄江亭

名璠於公姊兄尹任甥
姪尹元衡動危言竟死

王孫畫閣抗楊花一水中分兩岸沙落月滿天飛白
雪宿雲鋪地走青蛇菱歌相間棹歌發帆影遠隔山
影斜四十二年如去鳥浮生不飲奈愁何

述懷

十年前事悔何追白首窮廬謾自悲鷄肋正宜輸俗
客蛾眉今已付餅師香凝燕寢窓燈冷雪擁柴扉竹
日遲林巷幸無車馬跡心經一部手中披

喚仙亭次韻

在傾天

杯水難容萬里船今時豈合古人賢層城枯木三秋

後大野閒雲落景前往事再尋頭盡白茲遊一罷夢
應牽空江夜久生明月笙鶴如聞降列仙

次梧陰示韻

二首

行藏竊比鄭當時落拓何如杜牧之直以醉鄉消歲
月敢言昭代策安危能拋台鼎難拋俗已廢交遊不
廢詩莫道柴門欠絲管四山松檜雨中吹
骯髒從前不中時向來高論欲卑之三牲非樂一簞
樂蜀棧不危平陸危事到奈何須得酒語猶詮次合
忌詩只嫌半夜無眠處三籟悠然自送吹

題靜虛軒次霽峰韻

松江續集卷一
巖樓屈指十回春，謝笏重來白髮新。水石明儔雖可愛，蓬萊消息杳難因。山風夜起愁枯竹，嶺月初生是美人。詩卷藥爐仍不寐，屋頭寒磬報清晨。

挽王峰白彭卿

海內悠悠知己少，惟君與我夙心親。湖山未遂連塙約，幽顯翻成隔路人。紫陌風埃歌激烈，錦城烟雨淚酸辛。遺孤受托非無意，奈乏劉家德義新。

別王天使

敬民

家住江南萬里餘，秋風客路意何如。纔聞鶴馭來仙躅，忽見鸞簫過碧虛。消息幾時逢驛使，蓬萊無復迓

雲車。相思賴有黃岡句，別後爭傳水竹居。

槐山挹翠樓次韻示主人

三首

醉後悠悠獨上亭，眼前無地着愁城。乾坤逆旅翻千劫，造化鑪錘鑄萬生。久謂彭殤元同貫，莫言臧穀不同情。年來笑殺箕山叟，言實支離又說名。

一別梧根舊驛亭，使車何處駐山城。連峰雨裏黃花老，斷鴈聲中白髮生。末俗豈知高士志，少年寧識老夫情。聞君晚學養生法，為善應須無近名。

水北山南處處亭，舊遊迢遞武珍城。天開瑞石祥龍蜿，地面長松爽籟生。麋鹿未拋青草性，鵠鸞終是碧

松江續集卷一
霄情從今息影無何有家失形容史失名

昌道驛壁上見鄭子中詩攬涕之餘遂步其韻
鸞輪去此欲何之獨立蒼茫結遠思千里秦城病司
馬三年楚郡老樊遲已經離別同弦矢可耐幽明異
路歧青鶴峰頭望仙裏月明中夜倘相期

題雅叔林亭

老夫於酒喜登場酒味酣來宦味涼今日君家賞蓮
會西池夕氣滿衣香交情休說雨雲態樂事須憑長
短章一別幾年重到此竹間依舊讀書床

挽栗谷 三首

芙蓉出水看天然間氣難逢數百年天欲我東傳絕
學人生之子紹前賢心中剩有環中妙目下都無刃
下全何處得來何處去此時相別幾時旋
小學書中悟性存聖賢資質已三分科程豈是功名
事翰墨無非道義源仙洞漫留龍麝跡石潭空鎖水
雲痕泉臺想有無窮痛未報吾君不世恩
先我而來去亦先死生何不少周旋欲從真歇臺邊
月會作毗盧頂上仙千劫縱灰難得子九原如作夏
逢賢無人解聽峨洋趣却為鍾期一斷絃

次竹西樓韻 二首

關東仙界陟州樓虛檻憑危夏亦秋天上玉京隣北
戶夢中銀漢聽西流疎簾欲捲露華濕一鳥不飛江
色愁欄下孤舟再將八海釣竿應拂鬱陵鷗
欲窮千里夏登樓雲海茫茫兩鬢秋何處蓬萊常五
色此歸江漢定同流浮生有別佳人遠往事無蹤落
日愁安得清樽永今夕絳蘋洲渚對輕鷗

次峒隱韻

李公義
號

漏歇東城燭盡燒捲來黃卷坐無聊崎嶇世路千重
曲湖海親朋一字遙梅落故園春欲暮病淹京國鬢
先凋歸心政似南飛鵠淡夜悠悠度碧霄

失音

似下亂韻

天公厭我多言否喉挾纏風響挾嘶殆似寒蟬鳴暫
歇還如病鵲舌初癡是非正悔嗷嗷習開闔方諳袞
袞機呼馬呼牛都不應臥看新月下山時
口如含物舌如疑語欲期期默欲仍不中宮商寧中
節未工酬酢詎工磨仙家正學垂簾法癡坐還同面
壁僧玉塵向來無覓處老夫從此謝賓朋

納清亭卽事奉呈丁僉使行案

行宮欲別魂先斷天樂重聞淚自零喜事增悲垂老
日旅懷多苦送人亭年光似水悠悠去客髮如霜種

種星焉得長安一杯酒共看南岳眼俱青

納清亭次韻

世上身名都夢幻眼中遊舊半凋零愁來事業三杯酒老去生涯一旅亭進退未知朝對易陰晴欲卜夜觀星行人無處不瀟灑清遠香烟縷縷青

醉輒失眠乃僕常症而去夜尤甚坐以達朝傍人怪而問之詩以解之

新安酒罷夜涼多欲睡其如無睡何豈是抱醒應抱病只緣憂國不憂家虛館曙燈初隱映半簾殘月正橫斜明朝不用臨青鏡未到龍灣髮盡華

任學士

堂後

二難訪余于宣城之客舍用前韻

謝之

五月江城青草多賓筵不厭醉無何天涯亦有忌憂物亂後猶存送老家詞伯一時雙壁至霽河千里片銀斜相畱莫恨歸鞍晚客意離情且歲華

次韻贈李實之員外

春英號體素官監司牛溪門人二首

故園無主掩柴荆愁外湖雲日日生半世功名期白髮一年胡虜撫青萍荒榛舊路長生洞醉臥羈蹤細柳營聞道天兵方駐嶺捷書應已慰宸情

舉世區區一識荆仍教後輩喚先生天心正悔涪州

木之約手 卷一
謫高見會分楚水萍酒席與濃時跌宕名途意倦少
經營無人解得剛腸在錯道黎渦却有情

又用前韻

幽蘭身世寄叢荆臭味雖殊亦一生壯志不衰霜起
劍孤蹤無定浪吹萍涼風漸掃回 鑿路殺氣應纏
射賊營從此太平知有象窮荒草木動微情

再用前韻奉呈坳叟峰翁兼示孝移仲溪實之
三君子求和二首

孤露那堪別紫荆二年鞍馬寄餘生長空極目雲歸
岫獨夜無眠雨打萍樂地向來方占取畏途何事久

趨營年衰始覺相思苦強道無情是有情

俗遠郊扉卽有荆疎籬一面澗泉生行藏竊比山中
木世事今如水上萍歸夢每尋湖外路征鞍猶滯塞
西營衰年宦味君知否冷落真同太上情

孝移琢句甚精工非俗下科白僕效嘖狀其詩
之內不出焉

擲金佳句軼陰何遊戲篇章日日多猛士銛鋒盛秘
匣美人粧額掩輕羅三年巧笑須傾國百勝神功要
息戈若使兩陳評地位應虛一座待君過

寓聚勝亭書示成仲溪 文濬

盈車謫集是何因垂戒丁寧荷愛人隔壁喚茶時聽
語近窓燒燭或呈身天涯寧有紅裙夢人世應無白
首春萬里相隨香一炷臥看新月下江津

夜懷二首

不語悠悠坐五更雨聲何處雜溪聲窓前老驥饑猶
橫雲裏寒蟾暗夏明白首始知交道薄紅塵已覺宦
情輕年來一事拋難去湖外沙鷗有舊盟
客裏漫漫秋夜長灘聲得雨抑還揚羈心已自驚新
節歸夢無由到故鄉今代幾人憂國事老來何術振
王綱差強猶有檀公策東去瀛洲鏡面蒼

挽盧王溪子膺

顧○戊寅冬

母恩無路答 天恩萬死餘骸夏國門銓敘責隆罷
鑑識膏肓病革謝精魂傳家德義千金重曠世聲名
四海尊未遂西林讀書願此生長是此心昏

練光亭對月二首

淡夜澄江靜不波桂輪升壁素華多天邊島嶼微微
見樓外汀洲漠漠斜超忽直疑遊紫府杳冥還似泛
銀河萬家岑寂嚴城閉惟有沙禽掠片過

緣空一鏡委金波朱箔疎纖影夏多夜久素娥和露
冷樓高仙桂近人斜明籠水國迷銀界光溢天衢沒

絳河旅思悠悠愁不寐驚禽移樹幾飛過

失題二首

投金江上結精廬內相何年別王除萬軸詩書橫卷
秩一村桑柘繞扶疎山蔬登案是兼味漁父滿船非
索居聞道望京新揭號暮年吾欲賦歸歟
身世年來水上萍功名如酒醉還醒新貴舊交皆眼
白西陽東竹盡山青候人林逕微微掃防虎柴扉密
密扁秋晚幸尋藍鳥去亂松無數水泠泠

朝天途中三首

峽天似途中氣未平塞天寒雨苦難晴雲侵岳色微

微白川帶秋光遠遠明強道鄉心關客路莫言詩料
慰浮生何時行到遼陽館一上高樓望帝京

坐對虛簷幾度夏吟詩聊作夜虫聲如何客恨終難
遣又是秋天不肯明亂世方知忠孝大危途誰識死
生輕廟堂應有平戎策驕虜方渝海上盟

蔽日浮雲萬里長大風吹起忽飛揚會看妖祲收寰
宇遙望祥雲繞帝鄉攬轡未應羞范子埋輪早欲
學張綱平生自喜吟梁甫不把行裝問彼蒼

七言排律

失題

識面曾從一命初同憂同樂十年餘危言古劍開霜
匣直氣明虹射碧虛眼目豈徒穿禹貢股肱終始捍
皇輿貧同原憲室懸磬清似鄴侯家滿書萬事好違
惟道合半生多口與世疎麒麟縱被人間繫金石寧
為衆楚沮末路風埃心古昔旅遊簪組夢鄉間無醫
未起膏肓疾有淚空沾巖海裾盈篋謾驚箴做切伏
苦何耐典刑如生難相訣死難賤此恨茫茫何日除
五言古詩

李生廷冕工詩嗜酒薄於世味病酒而躄因自
號為躄戲題古詩三十韻投贈求和

東方有一士面赤心亦赤愛酒不愛錢好詩又好客
棲于京城西十年把一冊研窮到突奧人一能已百
紛紛名利場頭掉眼亦白吾嘗勸之仕笑指歸雲碧
此物於世間其介堅如石訪余龍山亭屬余辛卯厄
清談雜詼諧痛飲江天夕居然巖外別萍水俱無跡
爾來龍灣城對床寒暑易一語三發嘆山河異疇昔
經年戎馬窟 王輦黃沙積衣冠汚犬羊殺氣天地
積吾 君有至誠 天子垂恩澤須臾掃腥穢顧眄
清疆場傳聞兩 王子歸與沈遊擊又聞宋經略功
成罷兵革老而不死幸再覩王業赫霑巾嗚咽淚喜

倒悲還劇豔乎可以出濟世非君責勉爾平生學歸
歟天下宅裁作舜衣裳信手遊刀尺豔也再拜言信
美非吾適終當守吾拙捨是夏請益先生大笑曰固
哉君之癖存亾等凡楚得失同秋奕平生太玄經不
必丘園帛吾衰萬事慵久矣厭形役遠憶松江鱸欲
舉王喬烏君看架上蒼每整秋天翮豔乎君去否舞
袖妨地窄相期天外逍遙遊吾輩之名脫死籍

有僧將入楓岳漫書以贈

東溟萬里際白玉峰巒插毗盧最上層勢欲鴻濛壓
華人願東生此山天下甲我昔一登之日月看吐納

雷聲脚下聒塵世豔鷄合歸語下界人漫謂吾言雜
携筇此中行碧眼何處衲

代人戲別梧陰

幼歲不知別見人垂淚笑自語一生中會多離別少
今來忽不然人事亦難料出門摻子裾愁腸熱如燎
有耳不我聞有目不我眺颯颯竹風呼淒淒山日照
願作車中塵隨君度嶺嶠願作案上筆隨君助吟嘯
室爲照君燈江爲濟君棹如形之有影動靜必相要
不然生作嗚咽泉不然死作界面調不然化爲斑竹
泣湘江不然化爲精衛八海微君如不信四不然聽

我臨歧一聲叫

閒居口占

浮雲過長空一點二點白流水歸北海千里萬里碧
白者何為白碧者何為碧此理欲問之雲忙水亦急

江界謫中次梁青溪大樸韻

黃昏有佳月吾與美人期
劔閣卒來坦太行何事危
誰能識上古方欲問無為滿酌一杯酒共歡堯舜時
吾與藥圃仙生同丙申年胡堂同北有西塞同揮鞭
愚雖不及賢懷抱即依然宜無不同焉所事何太懸

和藥圃詩題興雲卷

李海壽字大中
官吏議全義人

藥老喫酒如喫緊吾則飲酒如吸川藥老終日不語
如叅禪吾則終日談諧驚四筵今看贈雲篇枯瘦議
論偏雲也病如沾雨爲吾人快似看雲鶴爲予爲予
欲戾天須往再拜藥老前黃精采采江上田餌服閱
歲顏色鮮然後追陪藥老同上毗盧顛手撫溟海鵬
喝塞求我松翁一氣邊共視萬劫流綿綿嗟汝旣往
其勉旃

贈別韓察訪性之

君與我同生丙申年生年直酒星酒星何處落落處
是東溟東溟萬古流不盡人世紛紛水上萍離合悠

松溪集卷一
悠天地老與君長醉花津亭

七言古詩

次玉川子送孤竹之韻

玉川子家本在江南何為棲棲洛陽裏行裝草草無
定居朝向西隣暮北里長安無所親呼我為故人故
人無復舊容顏惟我東來君獨歎君獨歎豈是知我
者我今孤露無遊方仙山東路海棠洲白鷗送我鳴
沙行鳴沙舉目十餘里日暮沙頭喧驛吏棠花片片
落芳草花裏征人方醉倒醉倒是觀察使徒御紛
紛擁千駟朝朝暮暮烏兔走樂事百年誰敢後兒童

拍手也不妨昨日少年今白首玉川子相思在何許
持此誇之慰羈旅誇之未足動君心去來榮落猶寒
暑然則前言戲之耳太上無憂又無喜今日我問酒
酒與我誰賓主酒為百味之最長我是凡民之俊秀
此語欲問孤竹子浮碧練光何處是孤臣不盡鼎湖
淚莫道戊辰年間事同遊皆是第一流我亦當時最
少年揮毫百紙一時盡後人強名仙槎篇同時輩流
今散去西海茫茫音信阻春鷲已至人不來我雖有
酒誰共杯中杯天上月年年長此別長此別老盡
人老願不逢春明年佳氣九華陌却恐夏作江南客

萬曆庚辰首夏蟄菴居士書于三陟之竹西樓

松江續集卷之一

松江續集卷之二目錄

雜著

水月亭記

通諭水原潰散軍卒文

疏

江原監司時陳一道弊瘼疏

全羅監司時陳一道弊瘼疏

被劾乞免疏

卞詢疏

啓

政院啓辭

江原監司時啓

兩湖體察時啓第一

第二

第三

第四

第五

赴京時啓第一

第二

請冕服呈文

祭文

祭金河西先生文

祭奇高峰先生文

祭梁松川應鼎文

祭宋僂仰純文

祭朴三可遂良文

祭白玉峰光勳文

竹樹書院祭趙靜菴文

古龍書院祭文

祭栗谷文

書

與牛溪書八

與李仲補書

答延豐倅書

與李魯翁希參書六

與海翁書

答金從事景晦書

與趙重峰憲書

答宰相書

與宰相書

與或人書

與或人書

與左台斗壽書

答副使金瓚書

與尹汀叟根壽書

與成仲浹書

答李峰叟民覺書

答霞翁書

謝慕伯書

謝李別座書

與環碧諸生書

附峒隱與牛溪書二

松江續集卷之二目錄

松江續集卷之二

雜著

水月亭記

士大夫之進不得有為於斯世棄位而巷處者必占
 名山麗水之濱池館園囿之樂一以為清閒寂寞之
 娛一以敘憂時戀闕之情歐陽公之潁上杜祁公之
 睢陽皆是已前錦牧光山後人鄭侯渫年五十而棄
 於世也遂求先大夫王川先生之別業於光陽距先
 廬四十里而居之選勝築亭名曰水月余觀夫南方
 之山崑然高者以千數而白雲為最奇南方之水可

勝舟者以千數而蟾江爲最大以白雲之東麓爲屋
上而以蟾江之上流置屋下則形勝有不可論也而
况天下之三神山方丈居其一煙火食者之生世間
聞此山之名者亦罕矣其於起居飲食早夜相對爲
如何哉左嶺右湖控引島巒來船去舳雲飛而鳥逝
官津野墟魚鱗輻湊渭川千畝鄴水朱華鶴洞朝嵐
岳陽暮烟躑躅成山火雲成峰霜落而千林紅冰塞
而長川白千態萬象畢集几房之下則水月之所以
選勝也兵火十年文物一空而水月則依舊也世降
俗末人心不古而水月則猶昔也市道日巧一錢且

涌而水月則無價也棄枯集苑門雀可羅而水月則
不遐也逝者如斯而未嘗往也盈虛者如彼而卒莫
消長也浮光躍金靜影沈璧而水得月而益清月得
水而益白直與侯之宵次瑩澈同符焉則水月之所
以命名也余雖不獲登侯之亭誦侯之歌見侯之書
粗得水月之萬一而若侯之方寸則余固知己故於
是乎書辛缺秋旣望烏川鄭某記

通諭水原潰散軍卒文

二百年來民不知兵莫非君恩爾其知之乎不教
民戰雖曰殃民事起倉卒勢所難免凡行軍赴戰臨

陣決勝人命至重非不欲其生干戈搶攘有進無退
軍令亦嚴常有惕然而傷今聞爾輩自木原潰散還
鄉者接武相繼而畏軍法嚴重廋竄山谷甚者携妻
挈孥全家通播云豈然豈其然乎竊念爾輩蓋亦不
智之甚也夫好生惡死雖萬類同然安土重遷亦人
之常情我不知之舍此去彼其能久乎于今歲暮風
雪且繁林居穴處生理亦苦饑亦必死寒亦必死與
其離家失所而死空山曷若尊君親上而死國事况
未必皆死而亦有置之死地而後有生地者乎噫爾
輩之情其亦可想矣爾輩之逃非故逆上令而就安

逸亦非不知逃之當伏軍律也特迫於羈窮困頓為
此不得已之計爾必思量者久趑趄者久彷徨躑躅
且痛且泣極然後乃為之終不自覺其陷於大罪如
得其情誠可哀矜為爾帥者亦當量爾心事矣爾亦
既逃而思其能無悔乎噫往者既無及來者猶可追
繼自今寬其典恕其情苟其自就轅門者則釋而不
問爾其勿生疑畏相率以來幸甚

萬曆二十年十一月二十二日都體察使

疏

江原監司時陳一道弊瘼疏

萬曆庚辰

松江續集卷二
伏以臣稟質狷狹觸事疏戇加以疾病支離分甘退
屏恭惟 聖明不忍棄捐謬加任使付以關東千里
之寄 聖德至渥也自度駑劣無以裨補受 命以
來夙夜憂勞不敢頃刻自暇思所以布德意而救民
瘼荒崖絕谷無所不到惟恐精神有限而耳目不逮
委定官吏分行列邑州縣利病閭里慘舒與夫徭役
之煩簡稅入之輕重編戶之多寡田野之迂濶悉令
咨訪而集衆思類考會究無名之稅非理之歛凡可
以便宜從事者方且一面釐革以副 聖上憂勤側
席之念科條率多繫於上供損益或有關於有司有

非微臣所能擅斷者則不得不為 殿下言之伏覩
殿下遇災而懼應天以實舉貶損之典而淵冰是
臨慮暑雨之怨而方岳是咨恫瘝 聖躬惻怛綸音
雖遐裔虫氓窮谷賤生莫不歡欣感激思獻一得之
言况臣妨賢違法縱未有毫髮勞效待罪承宣豈無
一二愚悃不揆內外之分敢晉狂瞽之說伏願 聖
神留意焉臣伏見我國家國小而事煩地薄而賦多
民之困窮所在皆然是故外無邊圉之警內無姦宄
之虞而國勢頽隳漸趨於殆且亂譬如百圍大木生
于水邊而水齧其根根且拔矣柯葉則無大傷不於

是時培其土遏其水而一朝風雨率至則柯葉之無傷不可恃也况關東一道凋瘵久矣倒懸極矣不但本根將拔而柯葉亦已傷矣盖其地東濱大海西擁衆山野無曠平地皆沙石經春猶雪未秋先霜禾稼寡實田畝少收雖逢樂歲不免啼飢故民不樂居境落蕭然百里之內不見人煙或於山谷中幸有民居皆一家二家不成村落矣田以畝計不過三萬民以戶計不過二萬名雖一路論其民物財力僅得與咸興一府相敵嗚呼地之薄若彼民之殘若此而曰田稅日進上曰貢物曰方物曰戶兵番糧曰一族價物

其所以割膚搥髓者日甚月酷膏血既渴而徵督愈急鷄狗不寧而苛撓益甚如人大病未祛元氣已盡安之衽席養以糜粥猶恐其難保况驅之以所不堪強之以所不能鞭笞困暴之不一而望其生不亦難乎哀我赤子遑遑乎恤恤乎籲天而天無階呼人而人不聞冤無告也閔無訴也四顧而無所依也於是有人怨心無生志視田廬鄉井如逆旅傳舍率皆苟且偷安不爲朝夕一月之計一遇凶歎橫潰四出壯者弄潢池之兵老弱爲溝中之殍逋者不還居者縲紲愁怨之聲上干天和殆同經亂之邦無復太平氣象

臣職在撫摩不覺仰屋竊歎臣伏見道內有子訴母者奴丞主者妻背夫者爭田一畝而兄弟訟者有女守身而強暴汚者至於姑姊叔姪骨肉宗黨之爭訟者不可勝言臣始焉駭之或散榜曉之或進言告之或作文諭之及其今日如此明日又如此諸邑到處比比有之然後知不可口舌爭之噫聖明之世寧有此乎人情本善秉彝罔墜母子之恩兄弟之愛男女之別彼豈不知諒以飢寒害之而禮義有不暇顧此聖人有既富乃教之言也嗚呼民失其所宜無所不至傷風敗俗固細事耳蓋禁酷而黃巢得以亾唐

漆稅苛而方臘因之禍宋如使二君薄其征斂不為規財利之圖而惟以愛養民力為務則彼黃巢方臘將不過盜商漆賈而止耳臣之為此言非敢飾誣誕謾之辭以熒惑聖聽亦非敢謂國家惟正之供有類於衰世暴君之為者誠恐民力既盡人心易搖不趁此時天下沛澤弛其逋負寬其賦役則何以撫存子遺之民而感召已傷之和氣也哉善乎陸贄之言曰民者邦之本財者民之心其心傷則其本傷宋高宗之言曰人皆知取之為取而不知爭之為取俟其家給人足自然稅斂易辦臣之愚昧固非陸贄之

比而憂國之誠竊效古人敢以中主之裕爲者獻於
殿下此在 聖明猶反掌也嗚呼一夫向隅滿室
不樂匹婦含冤東海三旱一方失所謫譴盈路盼盼
然嗷嗷然掇糞壤以救目前之安者不知其凡幾人
也則災異之作必有所召爲民父母其可拱手而聽
其然乎古者因地而定賦隨產而制貢其取之有節
役之有時使斯民有餘力有餘財然後生養遂而邦
本固今也則不然分田制貢既非古制而或侈其數
或非其產賦益煩民益困正緣分壤錫貢之初任事
臣僚不論民戶之盛衰物產之豐嗇只據州縣之數

一槩比類混同規畫某物若干定於某縣而民力勝
否郡邑休戚有不能恤豈知貽害生靈流弊無窮至
於繼世之日而極哉盖不平不均諸路一轍而以臣
目擊關東爲最非臣管內固不可妄有論說請以官
守所在爲 殿下申言之縣之小者隣蹄狼川金城
橫城安峽歙谷是也郡之殘者旌善平昌是也府之
薄者淮陽是也其壤地民口之小固不可及湖嶺一
大村而上供數目不勝其衆比之他處或相倍蓰類
此者非一邑一縣而字牧之官又不聞距心之知罪
者此臣之所以日夜悼心失圖而食不下咽者也茲

乃不計文之細瑣語之重複而吐露心肝仰瀆 冕
旒州縣事件開具單子畫一以聞伏乞 殿下深思
之熟數之其可革者革之可變者變之可減者減之
可換者換之斷然行之勿為拘吝纖嗇之所汚則不
勝幸甚嗚呼病民之事可言者多矣救民之策可措
者多矣弊有什百救之不過二三策此何異勺水之
於燎原也然而有大夏張非小臣一言之可盡今未
可一一毛舉以溷 聖聽姑就其有優於民而無損
於國者為小小補塞之計真所謂救死之策也抑臣
於此又有惑焉 殿下子育黎元哀矜懇惻宵旰九

重無一念不在於民也一札十行無一言不及於民
也而民之塗炭日甚一日君勞於上而澤泥於下未
聞某害因某人獻議而除某弊因某人建白而革者
何哉夫豈 殿下恤民之心不如惜費之心而然哉
或恐奉行之臣樂於因循憚於改作事有益民而曰
難事法或病民而曰舊法一味廢閣不能將慎 殿
下之美也 殿下在去年因妖變 下書求言八道
監司多有以民瘼上聞者該司委諸舊規一切防啓
其時臣承乏銀臺顧語同僚曰既使之言從而沮之
向來使之言意何居或以為可或以為不可可之者

小不可之者多臣遞之後卒未聞一事得施使聖
上如傷如保之意墮於虛罔而大哉王言竟不過
爲一紙空言臣至今介介焉然臣仰窺殿下愛民
之篤保邦之誠有年于茲矣目覩生民困悴之狀灼
知邦本扞捍之勢中情所激言不知裁伏願殿下
毋以人廢言而垂念於損上益下之訓藏富百姓之
義剗弊剔煩拯民於水火之中則庶幾恩結人心而
祈天永命矣臣無任震惶隕越之至謹昧死以聞

全羅監司時陳弊疏辛巳

伏以臣材非識務而尚有憂國之志策短容世而徒

懷愛君之心誓竭股肱以效忠貞而只緣學術泥古
加以疾病纏身自分屏棄於山野不意聖上俯察
於衆惡之中寄以方面之責臣撫躬感激強疾驅馳
又分遣長吏廣詢民瘼若其徭役之不均賦稅之或
重者初非朝家之意而一出於汚吏之手例爲因循
者則皆當一切釐革而其間務繫軍民事涉沿革者
則不容不上聞伏惟殿下丙枕不安尚衣宵御念
及於海隅蒼生猶恐一夫之失所憂勤惕慮日月逾
邁臣遇知明時職是宣化若絲毫有補於君國則身
雖萬死亦所不避况慘目之事非一非二敢避喜事

之請不體如傷之政乎臣伏惟湖南一路鷄狗四境其富麗殷盛與嶺南並稱而議者以湖南優於漕運故尤爲國家根本之地也且土饒野大又多川澤田宜灌溉惟種杭稻雖不有年亦罕饑饉宜乎生民樂業既由方穀而以今觀之則百姓愁勞而風俗滄薄士習不古而學校頽廢軍政不修而邊徼空虛滿目蕭條頓無治世之氣象將來之患有不可言思量至此寧不寒心夫民者國之所本也觀民休戚知國安危今者身耕千畝面有菜色室如懸磬一無恒產而貢賦之外又出無名之稅膏血有限徵督無厭日復

一日吏胥臨門村落騷然若遭喪亂食盡無儲機杼俱空於是始賣家具次賣耕牛終賣田舍甚楚之歌樂子無知碩鼠之詩庶將去汝扶老携幼流離者比比而九重如天無路可聞民生到此誠可於悒嗚呼民無恒產放辟無已俗之不美何足怪乎凡綱常之變雖舉天下亦所罕有而今一路之中毆母者二訴母者五斷其母指者一父求殺子者二其餘弟訴兄妻背夫骨肉爭鬪者難以悉計嗚呼此何等風俗也以言其士習則纔稱向學笑侮相隨一名善士詆謗繼至其勇往力行而不拘流俗者有幾人哉然而窮

鄉孤陋學術不精質魯者日趨於污下才高者易流於橫議甚者以陵上爲氣節以傲物爲標致正道蕞蕪名教掃地而至如學校者聖廟所在多士攸寧而身穿縫掖口談聖賢者一入校門若槌于市一稱校生反目怒罵遂使廟庭荒涼齎舍寂然反不如叢祠野廟之或有往來者嗚呼學校者風化之本而士習者學校之本也今士習如此則綱常之變倫紀之紊何足怪哉以言其軍政則朝家之籍軍雖勤而其丁壯者盡投於豪勢之家只抽其無告微弱者苟充其額故或流離或死亾不過一二年而還爲絕戶故戶

籍雖存而只是空紙若邊警奄至倭寇豕突則其所以稱戈立矛者幾人而雖有頗牧安可以一騎獨當乎兼以干城之器不聞繭絲之政未行其邊卒之赴戍也例爲輸納者則曰番價曰役價曰到防而其外剝割之狀靡有紀極一不滿意又加鞭笞故將卒之間畏之如虎疾之如讎怨讟盈路離叛無日嗚呼舟中之人尚爲敵國况孤城窮戍之間脫有無賴之卒縱其窮獸之噬嘯聚思亂之民則湖南一隅恐不爲朝家之所有也今 殿下之所以委任分憂者有方伯焉有節帥焉有守令焉而今風俗如此士習如此

松江紀事卷二
軍政如此此不過倚任非人奉職無狀依違姑息以
至于今日耳不獨此也近年以來綱紀不振號令不
行下陵上替其漸有自譬如痼疾之人元氣已廢四
肢已痿雖欲運動亦不可得也况望其踴躍叱咤作
威於人乎故今日之計莫若一新紀綱收合人心而
其轉移之機只在人主之一心伏願 殿下留神焉
嗚呼一路如此諸路可知諸路如此舉國可知人心
已離天象垂威其安危夏始之策當如救焚拯溺之
不暇而知者觀於時勢愚者狃於尋常按察者無范
滂之志字牧者昧距心之罪此 臣所以日夜搥心扼

腕歎息流涕者也茲敢以州縣弊瘼事件條列以聞
伏願 殿下斷然行之毋為浮議所拘則不勝幸甚
嗚呼今湖南之地州府若干郡縣若干若欲先修學
校而使民知禮義勸課農桑而使民有恒產修葺干
戈習閒軍馬則雖以間世之材其成效不可必於一
期之內而今者來詢未久送迎連年號令不一莫知
所從徒貽郵傳之弊而未有一分之化此豈朝家設
方伯之本意也伏願擇遣有文武威風名望素著者
來代 臣職期於三年之內責以成效又擇靖忠許國
才堪撫馭者為兵使為水使與監司同心戮力盡瘁

王事則已散之人心猶可復合已澆之風俗猶可還淳軍政或可以修明邊徼或可以無虞矣臣任重力綿只有寸心如蚊負山如鳥填海敢以狂圖謬筭仰瀆 聖聰伏願 殿下勿以臣疎賤而棄其言勿以臣迂闊而置其策亦有垂念於軍民之計損益之訓不勝幸甚

被劾乞免疏 癸未九月

略曰君之於臣全之為貴臣本小器過蒙謬 恩負乘致寇上負洪造而不 賜罷斥是重臣之罪而益激公論非所以全之也至於宗室面對儒生疏章皆

疑臣所指使重被詆斥至此之極此由臣平日行已無狀無足取信於人故衆皆疑之雖微末之官小被人言莫不愛惜名節引身而退况居卿大夫之列豈有身負重罪不容清議而強顏立朝者乎使臣身萬一有補於盛時猶不敢毀廉耻之節貽士類之羞况臣在朝則朝廷為之不靖士風為之大壞上有清朝之辱下積搢紳之疑臣雖至愚豈敢冒昧臣歷觀古今身被重駁而叨居官職決無是理非但為士者自愛其身君亦使臣以禮不枉其志故君臣上下兩全其美苟或貪慕寵榮笑罵從他則是乃無耻之人也

本系集卷之二
噫無耻之人將焉用哉今臣負如此罪惡被如此重
駁未容一日立朝以辱名器且臣疾病日淡精神昏
喪莫保朝夕恭惟 聖上天地父母鑄臣爵秩許退
鄉曲省愆改過得保餘生則國家待士之禮庶全終
始非但愚臣一人之幸也

卞諫疏 癸巳

伏以臣患疽數朔證甚危重而惟啣 恩復命是急
不敢一日停畱及聞勅使過關星夜兼程要及勅使
到京之前而行到嘉山頭痛暈厥交作乍起乍仆久
而未定不得已令副使柳根齎擎 皇賜蟒龍彩段

等物作急先行臣亦拚死力疾寸寸前進而終不得
與柳根同時復 命臣罪已深近又聞石尚書題本
所謂委無餘倭者疑若出於臣等之口者臣茫然惶
惑莫究其故九月初十日臣以界碑呈文事進兵部
石尚書問曰偷來時賊在何處答曰尚在釜山等處
又問曰偷何時起身答曰五月起身曰然則偷國八
九月消息必不得知吾當說與近接海上將官印信
塘報說稱賊盡渡海只有平行長一陣畱在西生浦
云西生浦原繫偷國疆土乎臣等備陳西生浦所在
及賊謀叵測之狀又問曰今欲畱兵五千與偷國協

同防守未知何如答曰賊盡歸巢之後則一萬兵猶可也倭奴變詐萬端為患無窮非一萬六千則不可也臣方以界碑一事極言痛辨試舉臣兵部呈文一二條言之有曰下歸之賊屯聚於釜山東萊之間益造房屋安下營劄又曰倭賊既以釜山東萊一帶為伊土地又要侵奪全羅等道許多辭說無非凶賊屯據橫掠吞噬恣肆之狀則賊退之說何暇出諸口乎方以五月以後軍前消息打聽於兵部賊退之說輕出臣口固無是理方以撤回大兵為閔則輕舉賊退之說以誤事機此尤人情所不近也故臣愚妄計竊

以石尚書以經略所報言于臣等而覆請之際仍以為辭耳安有以臣等所未言委之面悉乎且此題本得之於最晚初甚駭之欲極力陳辨而尚書既據經略所報謂為賊退繫是八九月以後之事則臣在萬里已久安知賊尚未退而敢以尚書之言為不的乎及其路遇許晉之行始聞晉州已陷賊尚據海上各城雖欲碎首泣血於天庭已無及矣至於誥命冕服妄為輕請其輕舉誤事之罪則萬死難贖而前後呈文中亦未嘗一言及於賊退耳臣奉命無狀致此種種罪戾伏地惶戰恭俟天譴

啓

政院啓辭

天章夜下辭旨懇惻如傷之美反已之德有非後世人主所可及臣等奉讀未訖相顧感涕此正所謂見孺子入井而怵惕惻隱之心者也 聖上此心藹然呈露於倉卒顧視之間天地生物之心不外乎是孟子曰以不忍人之心行不忍人之政治天下可運之掌上乘天理發見之幾擴而充之若火燃泉達則彼同胞吾與一本萬殊者皆在 聖化中矣臣等嘗見孟子四端橫渠西銘發前聖之未發尤有切於聖學

以 聖上此心真切用功於此以充其所賦之量則其日新又新而造詣之遠庸有極乎伏願 聖上畱神焉

江原監司時啓 萬曆庚辰

穆祖皇考陵辛未允金山作主辛坐乙向三祥水破外源未申來海八甲地二歸元後擁前迎龍虎俱全戴品三首骨脉連來蜂腰鶴膝真龍之地此地龍低虎抗武臣之位水口捍門亭峙節三峰萬代君王之地形勢伏龍形生龍案地名蘆洞

穆祖皇妣陵震木山允向初祥水破水源明堂引接

乙方大海八四歸元後擁前迎近案低遠案高四位
八方無空缺明堂平正山水朝拱寬大山動水留其
中出天子之地主山弱案山勝堆金積玉之地形勢
峙縉衆美俱集此佳城乃寒狗抱兒形特 命博雅
知禮之臣獻議施行事

體察兩湖時狀啓

常時奉 命大臣從事官不過二三人而止 臣則當
此軍機緊急之日兼察兩湖如民瘼戎務調兵調食
列邑城池器械巡歷按驗固非一二人所可遍及故
以前察訪申欽司果宋英耆司正金尚容為從事又

以叅奉吳允謙為叅謀此亦近來規外之事但此人
等既在 臣幕中贊助軍務恐當隨宜付職以成體貌
伏俟 聖裁施行銓次云云

又啓 萬曆二十年九月十五日巳時

臣 畱在江華伏覩東宮下巡察使權徵之 教仍知
關北兩王子之變咽塞之至不覺聲淚俱發頃者承
文院書員延瑞雲來自京裏言及此事雖以為必無
是理而猶恐其或然瑞雲之歸密授方略使之善辭
於倭通事周繼康周繼昌兄弟百計圖之蓋瑞雲於
繼康兄弟情分甚密而繼康等亦有內應之意故也

卽又以 教之意與權徵商議方募謀計才勇之人
備試竊負之策一面移文觀察使沈岱令費盡機節
蓋緣沈岱方在東道事勢優易也或迎賊來路不意
掩襲或厚賂守直乘夜脫出或夜驚賊陣使賊蒼黃
而仍以得脫或乘賊徒守之小懈扶掖以出或無幾
微尊重之意使賊不復以奇貨相待然後乘隙圖出
未知如此設計果能濟事與否竊不勝危迫閔惻之
至經營此等密計不可無支費錢財如銀兩絲段綿
紬詮次云云

又啓 萬曆二十年九
十八日

近來賊勢益盛京城畿輔無處不熾焚掠屠戮日甚
一日攻勦殄滅不容少緩而師出已久兵力極弱大
計小計皆未出場徵兵兩湖迄今不至此未必緩忽
而然蓋亦出於二道兵力自救不贍也近緣 臣節次
催併湖南則今月念間發程湖西則千兵已發而亦
有繼來者然而本兵屢經喪敗疲憊居半必須別募
精勇以一當百者然後緩急可倚第自生變之後人
皆畏恟或投竄溪谷或潛伏海島其中精銳不為不
多而空言召募莫肯來赴因竊伏念當此急難之時
必有別般舉措聳動人心乃可濟事聳動之策莫如

科舉况臣未到之前此處人民咸以為必設科舉莫不有歆動希覬之心得人添兵之術莫此僂益如以為可則似當自江華一府始兩湖亦可次第舉行第惟科舉重事非外臣所可擅稟文武對舉儼然是朝廷平日事尤有所不敢輕議而愚臣此請特出於權宜不得已之計則只設武科偶一行之恐或無妨請令廷臣獻議定奪施行詮次云云

又啓萬曆二十年十月二十五日

前巡察使尹先覺假差守令溫陽郡守玄德良黃澗縣監朴夢說恩津縣監李臺延豐縣監金舜卿等今

因下批使仍供職沃川郡守宣義問木川縣監慎好義陰城縣監李慶龍皆不合撫禦之任並為汰去沃川則權希仁木川則尹興龍陰城則李龍沉權差事已為狀啓矣權希仁曾為連山假差而盡心禦賊且有斬馘之功權差沃川本縣則前縣監李麒壽權差平澤則前縣監明光祖慈詳撫摩最得人心滿庭號訴無非願畱權仍前任扶餘為縣既在內地假差趙景禧又為不合以前縣監朴東壽權差清州一路正當賊衝判官李景祚蔭官無才以前縣監權大信代為權差連原察訪趙詡不知去處以前萬戶閔閱

道權差靈光郡守南宮倪泰仁縣監趙守憲長城縣
監白守宗皆在喪理難察任靈光則前僉使李安繼
泰仁則前佐郎申應槩或作槩長城則前直長楊士衡
權差報恩縣監邊或作德顯忠州判官陞差代同縣
監宣傳官具惟謹權差上項權差人等朝辭令吏曹
依例急速成送詮次云云

又啓

今沈守慶願兵到牙山而守慶過執謙遜行軍之時
官舍避不肯入至於官軍抄發等事一切不與此則
大臣在外以無 朝廷命令不敢當也守慶夙兼文

武練達戎務且為湖西士民所倚重如臣駑劣無謀
相去萬里請湖西體察使移授此人兼摠義兵臣則
專察湖南極合事體

赴京時啓

臣將勅使速來之由屢次馳啓一路遲滯臣已慮其
不得速達今到義州竊聞前後陪持人趁未馳往迎
接諸臣恐未能及期勢極狼狽臣與左贊成鄭琢叅
判閔汝慶叅判黃璉等相議皆以為不得已合有權
宜應慮之事俾免顛倒窘迫之患遠接使義州定州
迎慰使都司迎慰使不可闕一鄭琢遠接使黃璉赴

京日期時未定迎慰使閔汝慶義州迎慰使任國老
受命畱在鐵山定州迎慰使等稱號使之各自察
任姑待 朝廷委遣使臣下來 臣不得已有此仰稟
臣不勝惶恐戰慄之至

又啓

本月初六日行左承旨成帖卿其姑畱中路若干日
夏待事完後發程事有 旨本月初八日戌時 臣在
義州祗受竊念賊退事完非旬日可期表咨內書填
月日先於 聖節文書而謝 恩之行後於 聖節
之行既以謝 恩為名所當即速前赴而原填月日

相左懸遠極為未安且當初表文只以三京收復為
辭賊退之後則當以永清壇場等意添入恐不可仍
用前稿此等曲折令該曹作急定奪表咨等許多文
書待得事完即為改磨勘俾無窘迫之患詮次云云

請冕服呈文

朝鮮國差來謝 恩陪臣某官某等呈諉為 恩典
事先該萬曆二十年四月內小邦猝被倭奴寇陷凶
鋒猖獗呼吸之頃遂薄京城寡君迫不得已乃奉廟
社之主播越草莽二百年典章儀物俱陷於賊至如
天朝恩賜誥命冕服等物亦皆淪喪寡君以為既

不克死守封疆以貽 天朝之憂又不能將奉 恩
賜重忝 君父之命跼天踏地若無所容卽擬聞奏
而顧以廟社丘墟疆土未復不遑他念及至仰仗
天威收復三京寡君亦以謝 恩爲重且急亦未敢
籲呼某等竊伏惟念所有 誥命等物實 天朝錫
命之典藩服受命之章小邦世荷 恩賜于今十有
三代先該隆慶元年恭憲王薨逝寡君嗣守基緒續
於隆慶二年 穆宗皇帝勅賜國王及王妃朴氏誥
命冕服等物寡君欽遵 罷命罔或失墜不意今者
致有此變臣民之痛曷有其極乎目今幸賴 聖朝

天地父母之恩存亡繼絕獲此再造生死骨肉不足
爲喻惟是 誥命等事出自 天眷寔是王章君人
者不可一日無者寡君自罹罪辜寢苦枕戈凡有莅
事威儀虧替亦不暇顧茲固 天朝之所矜愍者也
夫字小恤災 聖帝漢仁修廢補弊皇王茂典 天
朝之於小邦涵育生成無所不用其極則申命舊章
亦今日之所急也查得先該嘉靖三十六年王宮失
火恭僖王妃尹氏及榮靖王妃朴氏 誥命等俱被
燒毀恭憲王妾差陪臣李名珪等聞奏 世宗皇帝
仍命補賜前項誥命欽此除外據今誥命等事似應

比照况今竊聞禮部移咨內題奉 聖旨事意覆行
題請選差行人一員齎捧 勅書馳往本國宣諭國
王其所以永保藩屏一新耳目者至矣若及此機會
仍將 誥命冕服等並行頒給於 勅使之行則其
於鼓舞振勵之道又如何哉伏願老翁諒察情理題
請 聖明依 列聖及 先皇帝欽命事例復降大
號使寡君如新受 賜而臣民有所瞻望以全 聖
朝終始之恩不勝幸甚

祭文

祭金河西先生文

嗚呼先生清水芙蓉之德之純吾無間然出為瑞世
之麟隱為輝山之玉謂先生出處之宜者是餘事耳
古則不知海東千載惟吾先生

祭奇高峰先生文

小子之懷先生夙矣至于今日懷之不已者士趨之
汚孰能淑之世道之卑孰能升之升之淑之在吾先
生先生去後世無其人望川祀宇彷彿遺塵

祭梁松川 應鼎文

公於丙辰始學于松川時年二十一

嗚呼小子之遊先生門二十有七年獨文乎哉余有
奉而周旋迫而阨可導而宣佻而疾可久而綿至如

言善不言惡道吉不道凶性能而然今夫世之議夫
子者曰胡太通夫孰知毅然不同於流俗者確乎其
中彼規規聲利齷齪趨營者寧不色奪於聞風方先
生疾革之日余在錦城自不知忌寢與食槐一夕而
累驚尤可恨者六十居喪禮有明文不以禮獻說而
怵於多口吾輩之為先生謀者不可使聞至於病入
膏肓已不可為悔之何及歿不斂殯葬不會哭澈於
門生之列無以自立臨行一杯草草薄具此豈朝陽
之壽西林之志至缺落空我心如剖門人觀察使烏
川鄭某

祭宋俛仰純文

嗚呼風埃險塗之難盡盡之者尚矣其不躓者亦鮮
矣立朝六十餘年遵大路而終不大躓者於相公見
之然則今日之痛非為私也嗚呼哀哉

祭朴三可遂良文

巳卯名賢江陵人○庚辰
江原監司巡到江陵時

長者風古人心典于學遯于林家四壁晏如也看得
失塞翁馬丁母艱短喪日廬三年服衰經喪餘事宰
十室龔然起倏爾還杖躑躅亭雙閉一葉再鏡湖間
瓦樽酒酌以瓢臥羲皇歌逍遙高士傳有此無施不
普命矣夫澈後生分憂來代致誠來舉杯

祭王峰白彰卿文壬午全羅監司
時巡到羅州

岐山秀泖水明惟子之氣詩歌清筆法妙惟子之才
樽酒論文肝膽古劍廿載同襟南到錦城靈精不發
神遲巨卿耶否嗚呼哀哉

竹樹書院祭趙靜菴文院在綾州萬曆壬
午本道方伯時

天賦之全躬履之篤鵠峙其儀王潤其德遭時有為
對揚休明士林所仰 國家惟慶期我東周堯舜君
民讒人八腹中道而屯千里南荒一介孤忠天日照
臨耿耿丹衷尚忍言哉哲人其萎吾道已矣國脉疇
依公議難誣 天意冰釋 恩溪建宇榮極追爵顧

余顛蒙夙仰風烈奉節南巡路出斯邑敬薦卑悰冀
歆澗酌

古龍書院祭文盧王溪書院在南原此文與挽王
漢四韻同書在古筐中故姑為謄

此後當
變考次

凝而默可頌俗內不出蘊為德心則直行則篤世益
末思愈服

祭栗谷文

維萬曆十二年歲次甲申三月戊寅朔十六日癸巳
資憲大夫行司憲府大司憲兼同知 經筵成均館
事鄭某謹以酒果敬奠于吾友卒崇政大夫議政府

右贊成兼知 經筵事弘文館大提學藝文館大提
學知春秋館成均館事五衛都摠府都摠管栗谷李
公之靈嗚呼我叔獻公與我同年生月日差先後歲
丙辰從景魯識公當時自楓岳初至京若清水芙蓉
其高材盛名爲一世冠而若無有也余少且愚但謂
公是文人中第一從遊既久余亦省事始知公之爲
公也獨文乎哉淵乎學矣學醇而正蓋天資近道不
勞而得也晚又研磨玩索積以歲月然後學益進識
益明其高飛大鵬一帆千里先輩亦或不及噫茲豈
易與俗人道哉若夫無喜怒任死生忘得喪榮辱不

以外物經心乃性然也疏通敏達遇事沛然者非子
也耶愛君如父憂國如家不以江湖廊廟異其心者
非子也耶忠信待人與物無競人皆曰君子者子之
德也雖曠度弘量無物不容與惡人對不借辭色者
子之介也噫朝議携貳水激火烈公於此時務欲調
劑寧累變其說而不欲失士望僨國事其志悲矣卒
亦媒此遭讒幾陷不測 天日照臨既去而還方隆
聖眷正騁遐步樑忽摧矣生若有期死若有奪噫
天不欲祚宋耶罷精懃心不遺餘力死於國事古亦
無比死之日都之人奔走悲號者皆不識公面何以

得此愛公者多而亦有不愛公者傷公者衆而亦有不傷公者於公何損如吾無狀有何可稱公獨饒我于今三十年由吾狷狹激惱可絕交者何限而終不失舊義末復爛漫同歸公實賢矣噫謀國掄材俱收鄙劣匪曰能之願學焉庶以其濟時艱公忽棄我而歸若無意世道何哉以浩原學問才識尚不能無公而獨運顧我空空將何以補國萬一噫公憂時一念至死不衰將屬纊執我手丁寧無非國事死亦團結此氣不散爲祥雲甘霖釀得豐年使吾民含哺鼓腹耶爲烈風迅雷使魑魅遠遁魍魎屏跡耶爲麒麟鳳

凰使諸休並臻萬福畢集耶爲泰山喬嶽鎮我神都延曆千百年耶公於四者必默佑陰相決不是庸衆魂氣生而蠢爾死則飄散如風烟也噫自我哭公忽忽無復人世意如一隻孤禽形影相弔如絲無桐如竹無竅縱欲彈且吹奈無所施何吾已矣夫噫朋友非天合血氣何以至此西湖水潮矣東山月上矣蓬萊五色如昨矣嗟我叔獻何時迴矣言盡奠罷一聲長號尚饗

書

與牛溪書

甲申

三叟護栗翁柩至弘濟院哭送滿身寒戰下車飲酒
三盃到家輒藹然將盡今始擡首喫飯三四匙切欲
就語而無奴馬奈何終日伏枕寸腸如裂

又戊子七月
十二日

絕相聞間夢想徒勞忽承遠訊具審林居體中佳勝
豈任馳慰但書是前六月二十八日所出信後已經
一月未審邇間節宣何如某自聞兒病苦劇撓惱成
疾虛弱消渴下血諸症一時交發當食不能使匙今
既月餘枯黑憔悴望輒驚走可歎可歎來諭微易徹
謹易戇因此啾啾等事付之一笑足矣何必向人分

疏兄所謂戇者尚復支撐於衆楚之中則况所謂右
戇者其律幾何特安之而已來諭分外之憂有公私
之別誠至論也三復斂衽繼以感歎但馬公事是大
賢明哲韜晦動以時宜豈如澈元無模樣者所可準
擬法象乎溪愧溪愧來諭龜翁被嫉益溪兄何怪之
溪耶此翁被嫉其義有三有名字與吾輩情溪一也
取怨於其故人二也逢慍於兄之故人三也來諭當
路者疑其為中立不阿之士排衆斥而拔之不勝欣
賀之至今之當路實有此事則朝著清明可知中立
不阿莫如吾兄從此兄亦特地大用吾道之慶也兄

之此等所聞必端的不虛願更申示以解遠惑何如
至仰至仰積城山中鳥語溪聲為伴者未知何許人
願示我姓名南習喜交遊叅尋又以現謁地主為貴
而玉果有許讚者居客舍大門外四十餘年未嘗一
至公門隣有詠歸亭為湖南勝地東西人士接武登
覽者殆無虛日而亦未嘗一往見之此亦佳士也端
陽濫蒙椒賜謂即分上而至今畱在篋中昏眩可笑

又戊子十一月
二十六日

數日寒甚未委林居體中何似馳慕之至澈病狀百
端一日似稍支持則忽復一日加重如將不測可歎

可歎前此累上書一未見答想是中滯不達也就中
有及時稟承事而尚未知已達與否尤念尤念幸須
一一賜誨至禱至禱此中推刷敬差啣命下天遠
近搔動囚繫滿獄哭聲徹天逋逃輩羣聚為盜白晝
劫掠隣邑如驪忠原三大州之境日未暮人不得通
行近者如此遠者可知今見邸報建州衛胡人將大
舉八寇兵使狀聞其搜槩外寇未至而內賊已蔓
內賊已蔓而外寇乘之則將若之何竭八道之力以
給北塞困頓之甚而南憂方結西又作釁兵連歲歲
則土崩之禍不期而然將若之何凡此憂端無日不

橫在石頭排遣不得奈何奈何近來數日間連受年
例 恩賜煎藥蠲鹽等物依然以重臣待之而前件
苦痛噤不得言未知於事理何居痛歎痛歎

又巳丑十月
十七日

闕庭推鞫首服海西三人昨昨夜行刑拿來金世謙
不下一杖一一承服昨日海西三人又服今日行刑
賊鄭婢夫又服詳言其圖讖之事又辭連白惟讓子
昨晚捕八矣大槩此獄罪惡現著夏無可疑今則彼
輩亦不得不以逆豎目之獨李浩比之張儉亡命此
人愚妄不足責也略具別幅

別幅見
原集

又肥丑十一
八日

朝作一書多發不中之說想兄諉以心症一笑而止
追思愧謝愧謝 聖心大回尊兄再入銓亞白郎又
授獻納此正旋轉一大機也意者天其祚宋矣安知
此後能延引國脉再造大東乎切願勿復以形迹嫌
疑為拘讎然上道以少慰 聖上虛佇之心何如叩
頭懇祝而已千萬細入思量愚之不見信於吾兄久
矣焉能以辭說動得只潛心默禱而已

又肥丑十一
十一日

昨承辱覆具審示意感拜不已鄭彥信兄弟鄭昌衍

洪宗祥李廷鸞等以內出迎賊鄭緝汝立之招皆拿
來連累者無慮七十餘人事將不測當此時體貌不
可計在家陳疏觀 聖批後即出謝為計試聽李諫
議言極為可慮若朝夕發論則雖欲善後不可得也
實若言者之論則雖死無足惜矣萬一不然則豈非
無窮之恨乎有此等議論而吾輩全然不知極可歎
也幸須諄諄於諫議如何

又癸巳

澈來曉侵星發行直至安州復 命別件文字極意
點化或改作正書授今進人出待至仰至仰固知元

稿草草多費辭說終亦無補徒增惶恐故如此也僕
左邊偏枯自十年前因七日經宿絕頂陣中不仁酸
痛寸寸前進可閱可閱餘在面盡

又癸巳

今廿六日李別坐鑿之行略付小札當時倘有外客
未暇致悉矣數日寒勢極嚴旅次氣味何如馳慕日
勤僕來托江都窮如寓處方誦昌黎益米告屢罄之
句昨嘗發一書往乞於景魯習之諸公李希參白首
始學乞字殊媿素心大槩破戒受官米似不安心却
欲運用智計以自存活以是極難極難矣公緘尚未

到畢推無期又驛官將繫 王獄畢竟歸宿夫知何
樣也延安有宗溟妻家產業首陽有廬有薄田皆勝
於此開春欲轉徙此地矣大槩此是燕雀處堂一
日數日計而已寧有長久之勢耶蓋以理勢推之今
雖賊已盡遁若及來春蒼生無餘類貴賤老幼亦隨
而盡復何言哉吾事本欲退去而適當罪責之日似
是好機會甘潛伏以老死復何他望只是國勢日急
名為大臣者帶職在外中心自不安矣在近則無食
適遠則去國益遠眷顧依遲奈何奈何幸於閒中靜
思示教至仰至仰李軫亦可信人否示之以尹自新

為上使崔崑為副謝 恩兼奏請告急云云此行必
為經略沮止矣柳台方大言僕 中朝失對誤事之
罪而渠反以倭去狀啓不啓稟徑示 天使近來少
寢罪我之論而曲為巧說遮掩已過云識者怪之祥
原人來傳答札多幸多幸已於前書及之

與李仲補書

丙子九月念五

抄秋涼冷未委旅宦何似千里瞻馳自不能禁澈脹
疾比來彌苦坐以達曙閔極閔極無由夏拚良覲以
陳此懷言之可為於悒就中女婚煥欲迨此未死而
年少秀才中有志行可與為善者旁求未聞可歎可

歎李某二子年幾許人物學術孰優且未知能與我
議昏否也公必不隱於我故敢稟伏幸下示何如且
聞中直仕加 下批於今年二月應教除授時云然
耶猷猷之人安得比數於時仕之列至出仕加耶如
此舉措極傷事體幸須速速修改何如餘不一伏
惟清亮

答延豐倅書

某以拜掃事向高陽舟上驪江牧伯吾故人也握手
道舊之際官酒味薄主客俱以為欠事情問遠及別
幅隨之開緘玉露色奪秋水且斟且醉歡然竟夕而

罷是我公亦預驪江酒席珍感倍品其中二朮古人
云欲得長生須服山薑吾將餌服此物後天地而終
如屈子所云故人之賜不亦大乎所謂劒巖者何地
果能與雙溪水石相伯仲耶隨僂示之延槐之間果
有勝地吾將仍樹為屋度了餘日善為我指揮何如
萬萬曉燈不具

與李魯翁

希參書好古乙酉

鄙人為先壠切迫災害來在高陽贏得百衲齒舌可
歎時事天也奈何涵公謂八來之日夏舉洪時可聖
字具景瑞字鳳齡以為網打之計可笑聞兄責汝受兄

素以解事有遠慮見稱而爲此齟齬事耶受之本非
可恃知之已熟矣何料至於此極乎但觀其所爲處
世自謂周密而一味窘步愚昧莫甚不待後世公論
而已知其心所在可憐大抵熟察物情世態天資爲
上臯夔稷卨何書可讀若是本品不美人雖讀五車
書徒長其姦雄耳豈不勞哉僕已定生理於圻甸而
朝夕不繼惡言詈辭日及於耳不久更向稍遠處矣

又戊子

澈積瘵奄奄中間起溟在洛病重閔泣罔措罔措憂
惱爍心白髮滿鏡奈何切有無限商量而未易合並
未知何時能踐一枉之約耶世途日險人心益薄昔
之所謂石友心朋今爲行路此實氣數使然傷哉傷
哉南方非樂土非久又非我有切擬搬家早避而於
湯湯曷歸之歎何

又庚寅

間絕音信已久令人西溯悵惘不已也卽此毒熱靜
攝如何前年痰脹諸症加減如何切願僂中示及症
詳何不示我求藥耶僕以委官達夜於金吾廳中者
今八朔如此而尚不應什何耶極怪極怪旱滂交病
今年又失稔未知此後民命何以接濟苦痛苦痛溪

木
翁已還無聊益淡奈何奈何近觀世道平生骨肉日
成行路此何等風俗耶長歎長歎人來毋惜信音以
舒勞思至仰至仰伏希亮之

清風二把略上幸如見故人焉宜仲消息尚未聞每
一念之罔措罔措溪翁好在首陽之石潭宜仲今在
何處令人懸渴懸渴

又庚寅八月

卽此新秋已涼未委節宣何似僕尚忝委官勞悴成
疾四肢百骸無不痛悶宜仲自前三四日患脹兼
患腰疼食飲頓減悶慮悶慮何時上洛企渴無任龜

翁尚未免覆盆可閔可閔便速不究

又庚寅十一月

數月間音微令人懸溯不已卽承十月念一日手簡
具悉証况稍可殊用浣慰僕患背腫甚苦今纔尙差
矣聞今月將上京企渴可言聽松一教如可八手實
是浮世勝事淡恐造物兒竊聽也趙伯王家夏間一
坐外尚不再赴金台郊外之約夙矣頃嘗一往來而
人言如此可笑可笑砂糖近當覓上伏希亮之

又壬辰

三千里外札翰翩翩具審靜况益勝欣慰之至繼以

木
卷二
悲淚相思之至發於夢寐是固精神魂魄彼此感通
而然也吾何獨不然籠中一息延活至今大是怪事
但此地風氣與他方懸殊心腹痛頭痛眩暈無人不
患近多因此而化去而老物次第傳染方苦惱度日
可笑然今日向人言病太閒暇從容不敢縷縷也從
前遷客糊口專仰官家自晦齋時已成故事而今則
法令極嚴新官面生一飯一羹皆自經營土風甚惡
水火不相資此間艱楚難以形言然謬云蛛絲無罟
口之理特此而為安耳此則已矣此處亦有窺伺搆
陷之人做出虛言飛入洛下近又龜公來泊不遠處

云未知將來又作何等灾怪也然凡百已定只好安
之而已奈何奈何仲舉許公山尚在貴鄉消息如何
來時自海管委送藥物以相訣別此事非今世之所
聞為我致謝萬萬鋒示二篇清婉悲困讀之令人數
日作惡淡欲攀和煩不敢也聞新有弄璋之慶遙賀
遙賀但枝葉太茂則本根受病理之常也千萬節慎
至禱至禱槎翁每以此致憂於書中累及之幸加意
焉仲春上旬遠客

與海翁書

海翁似是魯翁
庚寅十月二日

間絕信息令人盱想轉苦即此初寒體况何似馳溯

之至澈一年鞫獄精力已盡加以舊病新症交來作
崇可閱可閱每聞歸俊輒上一牘而來書責以久不
問未知吾書落何邊耶怪怪會上藥物一一照未如
有新服之藥勿惜相示清香時未得從當覓上伏希
清亮謹上狀以問

答金從事景晦書

方念行鞍歇在何界卽紆威問仍承膝下之痛驚惋
久之妾生何故又此罹病年少人偶然微患何至難
為幸須理遣勿過傷也僕受命五箇月尚無頭緒
及逢左右謂是百事可做喜而不寐何事造物戲我

好機會耶極歎極歎三從事已任兵食僕非不知之
而率皆生拙書生十分難倚靠所以煩公涉遠收得
許多實效也如何

與趙重峰憲書

生還忍見今日事朝衣披淚淚盡血繼聞公倡義起
兵為之向風歎歎第未知住在何處用武利鈍如何
僕受命將前赴貴道凡屬大小軍機切欲急速回
議何以得之幸須量示諸京列邑為賊窟穴兵力單
弱掃蕩無期奈何奈何貴道受兵幾邑完全幾邑清
州之賊威衰如何並示之餘不一謹狀萬曆壬辰八

月念一澈在白沙汀阻風

答宰相書壬辰十月十二日

邊召募至謹承台翰具悉盛意感慰僕纔到湖西賊勢甚急將有長驅之患又嶺南賊既衰而還盛路指雲峰未知末梢如何極慮極慮京畿不可無體察前既奉稟未知照收否此是物情同然台亦亮之否洪州見沈聽天溪以大臣退在為未安欲出以謀兵蓋緣湖西士民聚兵千餘欲以沈相為將故也第以兩大臣同制一道為有妨事體云於湖西京畿中體察使差下事曲圖至仰至仰若沈相體察忠清而僕為

京畿體察則亦似不妨而翻恐事涉紛更只待朝廷指揮耳伏希台亮謹上狀

與宰相書壬辰十月十七日

寒勢折綿未委待衛何如每一念及為之淚下尚忍言哉尚忍言哉僕受命半年尚未掃一賊陣遂使

鑿輿久滯塞隅為臣不忠孰愈於澈加以上年登對安德仁等五人流離到此捏造無形陰喉湖左儒生將上章論劾極可畏也詮聞大監亦遭此等事然耶秋初奉陪時屢陳苦口之說者良為此也今其記憶否千萬小心一味謙遜至禱至禱僕非敢以私利

害避禍之說安陳座下在我自處亦當如此溪翁在
行朝否此翁解事時時屈已俯詢何如別錄又瀆
清嚴一笑無妨其中自劾一款千萬速察付丙付丙
惟下照

與或人書 癸巳

伏問新年侍衛何如回首塞雲無淚可揮月二日奉
一書附驛遞今亦以自劾事具短劄專差軍官發去
伏幸老兄善為周旋雖循常勿辭之命具陳其名為
大將者被斥於諸將萬無仍在任號令節制之理至
再至三期於必遞千萬至禱至禱鄙人中情所發非

老兄愛無相諒者竊願多費辭說於左台前使之解
惑何如此非私利害私請囑也一日軍機應急事四
面旁午而自今日閉閣不聽理一委之副使事多掣
肘况三軍自聞吾受彈於權慄視我為五日京兆無
復以尊重相待此尤不可一日仍畱此等事體想必
料之已熟何待鄙人喋喋伏希恕亮

謝或人書

昨因擾甚未做淡款朝趨卯縛亦未歷拜方淡翹慕
忽承盛問淡慰淡慰俞簡多有未解曲折乍閱而還
矣後生輩論鄙人短處何傷乎吾聞之惕然亦一助

也但疑所不當疑以助時謫則恐未安也若此則兄
可戒之否汝受言及俞判則鄙人奉疑尊兄方知安
也四度呈辭甚未安何不少採人言耶李夢應近事
曾因上台之言已行下色吏矣伏惟下照上謝狀
十六日約束權徵以下進攻金浦大不利我軍死者
甚衆雖有翌日陽川擒賊將之事何補之有痛心痛
心近見權而遠一味偷靡事事推托畱此一人足以
債事痛歎痛歎僕既杖其色吏又以一紙移文峻責
又面責之猶不甚怒但以我畱連為笑云
李仲薰月城廷却賊事安有如許膽氣卽已狀稟以
諱字

此人代趙仁得都巡察使使監司以下受節制想朝
廷不采用吾言也白惟咸甥舅柳拱辰徒步詣行
在聞之淚下

與左台斗壽書癸巳正
念二

天兵今明到京城僕願六萬兵直向京城收復之後
中路逢迎 鑾蹕此雖 天兵之力亦莫非相公廟
筭有以致此欲賀無言餘在收復後狀啓之時不乙
乙謹狀

答副使金瓚書癸巳仲
春念四

軍官金晉賚奉令監本月初九日在溫陽一書來現

開緘未了喜氣浮眉第信後為日已久未知仙旆住
在何方邇間消息又復如何南望悠悠僕扈 駕肅
寧明向永柔積傷之餘寒疾大作頭疼體粟喘促失
音可慮唐將西還上下遑遑今聞數日內收兵向漢
收復京城指日可待欣幸何言吾行不遠路資掃如
非細憂也令未可善布粗完列邑隨分相助否切仰
切仰芻糧一事每為 宵旰深憂 嚴教非一再前
頭之事何以結末惟在令監善為調處伏希垂亮謹
上謝狀

諸召募悉罷其中盡心奉職者則勿罷勸農賑饑

官方議善出而時未定

與尹汀叟

根壽書 癸巳六月念三

間絕信息已久令人盱帳難堪昨承有 旨以台兄
狀啓經略分付尾奏請前赴 京師約於開月之初
過江而奏請時不至到此畱滯久速亦未知且意拜
表月日比 聖節奏請兩行文書太相懸遠而兩行
先之吾則後之未知事體如何今欲請改表咨則往
復之間動經旬月何以處之或云賊盡渡海或云尚
據峯棗經略軍前必有的確消息何不走一力相示
耶可歎可歎竊想台兄必嗇專倅敢此委遣人以稟

伏希賜諒

又癸巳七

數日來風氣異常未委台候何如傾馳倍倍澈昨承
有旨令不改月日仍賚以去故將以明明過江第
聞奏請奏咨付吾行之請朝廷終不留意是何意耶
台兄曾不具陳於伯揆台前耶此事反覆思之終是
以高見為十分的當不得不為此出位之言奉短劄
投進竊想廟堂之一冷笑也賊勢已陷咸安將犯湖
左湖南一失則決無復國之理廟堂何故一味遲疑
以誤事機苦痛苦痛僕雖數日內越江萬一朝廷急

修文書追及於鄙行未離遼陽前則亦猶愈於全然
無事也如何如何伏希台亮

與成仲燠書癸巳七
念五

昨今連得書備審近况冲益豈任馳慰兒病少歇無
非仁庇深喜且感陷晉消息不的則已萬一的確則
湖南難保朝夕極可悶也僕即刻離遼前赴準擬兼
程疾趨盡心呈請矣第希亮之大人無恙將還慰幸
無比

答李峰叟民覺書
癸巳閏
晦

物理有升除一年萬里同行已知有此別也從此杳

難攀之句豈非詩讖乎僕於此苦無食將飢餒度日
勢須轉向延安如得與兄居住密邇豈非幸甚貴緘
辭及聞見事件修正事專委賢王持以往質柳知事
何如至祝至祝此事甚重恐致再誤也千萬察諒謹
狀謝

答霞翁書

全公成遠號霞翁
似是霞堂。壬辰至晦。

謹承盛問仍審侍候平安浣慰何言澈百病交作謫
言盈路湖西儒生至欲上疏論劾云極可懼也賊勢
雲合將直下湖南而數日來似稍退猶欲侵犯南軍
云可慮可慮過此歲前欲大舉蕩掃未知果爾為也

林郎病重煎閱無比如今已退熱否送來綈袍深感
厚意無以為謝九不堪之說何發於罔極之時乎千
萬黽勉共濟大事至仰軍器不可不優備幸須倍費
區畫速措速措伏惟下照

謝慕伯書

癸七

書枉承客况萬重慰極慰極僕來泊江都形影相弔
又苦無食喘喘度日可笑近擬寒候稍解就食于延
海等邑若爾聲聞密邇預幸預幸前番一書尚未入
手未知落在何邊也餘適感疾未究

僕雖或免罷胡顏再入修門乎首陽關西擇一居

住以謀明年耕種君須百爾料理與我聯門同住
仍共安危何如示之

謝李別座書戊子閏六月十八日

再承情問具審旅况佳重深慰戀懷澈一病三年形
骨已枯可笑可笑何時佩符南鄉使病人得奉舊面
目耶勤跂勤跂先生一家無恙伯魯亦一相見矣萬
萬言不能盡伏惟下照 荆布時免恙承遠問豈不
知感

與環碧諸生書

禮樂不可斯須去身造次顛沛之間亦當念茲在茲

而昨於飲酒間適見諸君不以長幼為坐次竊甚痛
焉諸君非不知此而然且為之者豈不以倉卒之際
不必拘拘偶一為之何傷事體耶然以愚料之因循
苟且終誤許多事一者暫為馴致屢為不憚天下之
惡皆從忽於細微可不懼哉非禮勿視聽言動聖人
微意千載之下亦可見矣切願諸君幸垂察

附峒隱與牛溪書李義健號

今日 親問鄭汝會之子鄭緝所招辭連鄭彥信
兄弟及鄭昌衍洪宗祥並 命拿鞫 上命鄭彥
信削奪官爵兩鄭拿來時城中惶駭不知所為李

春英路逢習之安楓字隨後見春英遽執其手曰
松江及汝之舅活我活我辭甚矜惻云習之情發
於中故發此求活之語未知諸舅平日所惡者是
誠何心耶鄭彥信等今日上闕時着枷足鎖擔出
街上見之慘酷湖李及大鄭淚下如雨路人莫不
惻然云近日軍器寺前行刑頗多棄屍路上久不
移出士大夫不由其路典獄牆外杖殞罪人積屍
如丘人不敢近云國家之不幸也

又肥丑十一
月十二日

伏承兩度下札憑審氣候安和仰慰不已昨拜一

札未知照否令兄進退實關世道此時若不赴
闕朝野失望士林缺然不審所處如何松翁當此
艱危之時尚未謝 恩知舊諸公不勝憂悶矣鄭
彥信拿來事今日分撥以逆賊招辭削奪官爵未
知緣及曲折如何大臣至被故草野微言亦盡
嘉納此時令兄一出赴 闕則一以慰 聖心一
以定國亂豈不幸甚乎今日右相肅拜後一啓辭
職 命促出推鞠故不得再啓云鄭彥信以下被
繫者皆望右相之出有如赤子之待哺云未知舉
世欲殺之人反被待哺於此日耶可笑李潑洪宗

祥等再發於賊口必未免刑訊此人等與大賊交厚實是自取若以逆謀同參被罪則豈非冤乎松江有救之之意 聖意難量

松江續集卷之二

松江續集跋

右松江續稿李擇之得於掌疏爛簡參以聞見所及而繕寫成秩者也其中峒隱公二書極與元稿相關其附見之意非偶然也蓋峒隱擇之之從曾祖而當時與牛溪先生及公為莫逆交故其說如此矣昔史遷徵藥醫以傳荆軻今此稿之可徵於李公者奚止藥醫之為信而已也其戲俞相一絕余之得於古篋者也其事類俳而亦不棄者蓋亦閒情賦之例云丁巳五月日恩津 宋時烈識

